

FA 6 B 262

DE
INFINITORVM
SPIRALIVM
SPATIORVM MENSURA.

DE INFINITORVM
SPIRALIVM
SPATIORVM MENSURA,
OPVSCVLVM GEOMETRICVM.

AUTHORE
F. STEPHANO DE ANGELIS
VENETO,

*Ordinis Iesuatorum S. HIERONYMI, in Veneta Prouincia
Definitore Prouinciali.*



VENETIIS, MDC LX.

Apud Ioannem La Nou.

SVPERIORVM PERMISSV.



Eminentissimo & Reuerendissimo D.D.

GREGORIO BARBADICO

Patritio Veneto, S.R.E. Cardinali Amplissimo,
& Bergomensium Vigilantis. Antistiti.

FR. STEPHANVS ANGELI VENETVS
*Ord. Iesuatorum S. Hieronymi in Veneta Prouincia
Prouincialis Definitor.*

O. F. O.



LIBELLVM hunc de Infinitis Spi-
ralibus tibi sisto Eminentissime Prin-
ceps, & Praesul, amplissimoq. nomi-
ni, ac dignitati inscribo obsequentissi-
mus. Palleferet sanè coram tui pre-
clarissima Purpura, quae Maestate, &
Virtute rernat ardentè, vilitas in-
genij, & tenuitas muneris, nisi aliundè, & tui lenissima
urbanitas, & mei deuotissima deuotio, concepta iam vo-
ta enixè firmarent. Spirales ista lineæ, non aliundè quam

ab.

ab. E. T. spiritum fumerent, qui verè Geometrarum
Mecenas peritissimus ad te colendum allcis quoscumque eius-
dem generis seduliores profectus. Nec inanis, & futilis la-
bor, quem complent spirales lineae. Namque circa unicam
earum speciem Archimedis ingenium fuisse aliquando ver-
satum iactant pro summo pretio; quidni si E. T. tractatio-
nem de Infinitis libere decerno? Profectò, à tui meritorum
celitudine decet ut hæc lineae punctum ducant, & in ipsam
desinant, titulis luculentissimis protrahantur, patrocinio,
ac tutela firmissima circumvallentur. Ex hinc, posito Inui-
diæ obice, illo saltem gloriabuntur fato, quod E. T. Nomen
ipsis circumliget gloriosè verticem, adeò ut si Cerva quon-
dam Cæsaris circa collum explicans idioma venantium iacu-
la euadebat illæsa; latrantium murmura & ista pagina sper-
nent, exprimentes, quibus imprimuntur notis tutissimum si-
bi ipsis deditum presidium. Ergò opella hæc gloriosior cate-
ris prodeat, iam publicis plausibus excipienda, quia E. T.
in signibus, & stematibus ditata, si vel ipsius Fama po-
tissima præconia non lucretur, nihil se fuisse adeptam arbitra-
tur. Nobilissimæ sobolis auidis laudibus, de te unice, &
optimè superbientibus, atramenta hæc decorè linire vanum
duco. Unum namq. illud sufficiat, in E. T. specimen domesti-
cas trabeas, infulas, & pretextas conspirasse uniuersas, quò
electiori tandem ut par erat, ornatissimè amicreres palluda-
mento. Purpura, qua nunc primum indueris, (licet ipsa
longè ante dignissimus,) carbasa iam dat ventis, ut nu-
perus Iason ad vellus aureum speciosè conquirendum, scilicet
ad supremi honoris fastigia, cordibus cunòtis auras tranquil-
las halantibus postremò prosperè appellas. Cæterum mea Ma-
thesis,

thesis, quæ E. T. litandas spirales lineas elucubrauit, ad
postremum usquè spiritum semper lineas deuotionis dicatu-
ram pollicetur. Ità quod Apellis æmulatrix nulla sit dies,
quæ in humillimæ obseruantia titulum non signet lineam. Va-
leas Eminentissime Princeps, & optime Antistes, ac felix
vivas. Astra te diutius pietatis, & Virtutis tueantur ser-
uatorem incolumen.

Scribebam Venetijs Kal. Julij Anno 1660.



LECTORI BENEVOLO.



N Tibi, Amice Lector, Opusculum Geometricum, *DE INFINITORVM SPIRALIVM SPATIORVM MENSURA*, non semel, aut bis, sed pluribus, ac iteratis vicibus pollicitum. Spira-
tales, Helices, Implexæ, seu Volutæ lineæ de genere illorum sunt censendæ, quæ mirabilia, seu portenta geometrica iure merito sunt nuncupanda. Siquidem (vt concinnè David Riualtus Archimedis Commentator pronunciat.) *Admissa Helica, & rite vt ars ipsius fert fabrefacta, nihil est in tota geometria abstrusum, & adhuc inuium, quod non denudetur, patefiat, & aperiatur.* At si ad ingens in rebus Geometricis Spiralis lineæ momentum corroborandum cætera deessent testimonia, vnicum me hercle suffi-
cere

cere arbitrandum: maximum scilicet Archimedis ingenium circa eas aliquando fuisse versatum; de ipsisque iustum volumen edidisse, in quo naturas, ac proprietates earundem ita expendit, vt sint posteris vsui maximo, & veluti cerebri ingeniosi portenta summæ admirationi. Cæterùm haud vnicus Archimedes extitit indagator spiraliū proprietatum: sed ipsi se adiungere quamplures, inter quos mirificè enitent Monarchiæ Geometricæ duo splendidissimi proceres, Pappus Alexandrinus lib. 4. collecti. *Mathemat.* & Franciscus Vieta lib. 8. *responsorum Mathematicorum.* Paulus Guldinus Sancto-Gallensis, ille celeberrimus Geometra sapientissimæ Societatis Iesù, & Centrobarycæ auctor famosus (at Caualenianorum indiuisibilium contemptor, & irrisor, qui dum indiuisibilia spreuit, ipsisque irrisit, se ipsum ridiculum præbuit) altius omnibus volatum sumpsit, conatusque est ipsam spiralem lineam ad mensuram determinatam redigere, atque ipsius centrum grauitatis assignare: at conatu irrito, & Icaro fine, vt ipsemet in lib. 2. Centrobarycæ cap. 2. & infra fatetur, & prolixè explanat in capit. 3. Pronuper Ismael Bullialdus, vt lucem afferret ijs, quæ Archimedes de spiraliibus conscripsit, totam rem spiralicam iterum proprio Marte composuit, & publici iuris fecit Parisijs anno 1657.

Sed inter cæteros spiraliū proprietatum venatores extitere etiam duo illa maxima Geometrarum

Italorum fulgentia luminaria, nimirum Bonauentura Caualerius, & Euangelista Torricellius. Hic quidem incidenter in lib. de dimens. parabolæ proposit. 17. vt ex proportione circuli ad spatium spirale ab Archimede olim tradita, quadraturam ipsius ordinariæ parabolæ adinueniret. Ille verò ex instituto in lib. 6. Geomet. Indiuisib. vt ex analogia ab ipso animaduersa inter spirale spatium, & parabolam versante, ex mensura ipsius parabolæ prius tentata, omnia symptomata circa spiraliū spatiorum mensuram denuò medijs ab alijs intentatis, nec aliquando excogitatis, patefaceret.

Verum enim vero omnes superius recensit geometræ, & plures, pluresque alij speciatim haud nominati, qui spirales incubere aliquando, vanciam ipsarum speciem amplexati fuere: eam nimirum quæ antiquitus ab Archimede ipsomet, & Conone agnita fuit: quamque nos in posterum linearem vocitabimus. Cæterum infinitas spiraliū species (quod sciamus) nemo ante nos mundo publicauit. Non ergo putamus rem tibi ingrati fore futuram, Benigne Lector, quæ circa infinitas species spiraliū linearum aliquando excogitauimus, communicare. Sed ante omnia causæ speculationis huiusce accipe historiam.

Vndecim ab hinc annis circiter dum Romæ degeremus, & dum inter geometricos Tyrones enumeraremur, iucundissimum existimabatur à nobis

nobis quotiescunque datum fuisset suauissima consuetudine, ac excellentissima doctrina perfrui trium summorum virorum, à quibus nunquam absque lucro discedebamus. Erant hi Michael Angelus Riccius Geometrarum Italorum Coryphæus, & post Caualerij, ac Torricellij fatum, geometricæ maiestatis italicæ præsidium præcipuum: Rhenatus Franciscus Slusus Leodiensis ingeniorum Phænix, & maximum humanæ intelligentiæ portentum: & Ricardus Albius Anglus pietate, sanguine, & eruditione nobilissimus, atque suo Hemisphærio dissecto clarissimus. Accidit ergo die quadam, de more cum præfato Riccio de rebus geometricis verba habentes, vt mutui discursus subiectum ipsæ essent infinitæ parabolæ, & caualeriana indiuisibilium geometria: cumque ad sextum illius librum deuentum esset incidenter, audiuius Riccium asserentem, ad similitudinem Caualerij, infinitas spirales posse mensurari, cui negotio sedulo incumbere ab ipso etiam fuimus sollicitati. Ast tunc temporis nimis imbecillies, ac tenues in nobis erant geometricæ vires. Tyrocinium etenim percurrebamus, & lacte dumtaxat enutriebamur; vixque dabatur ea posse percipere, quæ Caualerius molitus fuerat; tantum aberat, vt ipsum imitari liceret, tamque in altum conscendere. Quapropter euenit, vt labore perterriti, statim infinitæ è mente spirales exierint. Verùm anno 1658. post libelli nostri sexaginta problematum geometricorum impressionem, fato accidit, vt Venetijs in Biblio-

tèca Mineruæ commorantes, ad nostras peruenerit manus opus verè aureum Andreæ Tacquet Mathematici Excellentissimi, ac solertissimi Fulgentissimæ Societatis Iesù, *Cylindrica, & Annularia nuncupatum*. Quod reuoluentes, citius dicto incidimus in scholium prop. 12. lib. 1: in quo vocatus à nemine, vltro seipsum constituit spectabilissimè indiuisibilium methodi iudicem; contraque ipsam non minus inclementem, quam iniustam sequentem profert sententiam. *Methodum demonstranti per indiuisibilia, vel (ut ego appellare soleo) per heterogenea, quam nobilis geometra Bonauentura Caualerius in lucem protulit, pro legitima, ac geometrica admittendam non existimo, &c.* (Sed quicquid autemet ipse, pro indiuisibilibus est veritas ipsamet, stantque illi omnes præclarissimi geometræ, quos in epistola ad Lectorem operis nostri de Infinitis Parabolis recensuimus: quibus nuperrime vltro se associavit Vincentius Viuiani in lib. 1. de Maximis, & Minimis monito post proposuit. 17. vbi ait. *Vt hoc loco, ex aduerso indirectæ antiquorum via per duplicem positionem, luce clarius pateat quantum facilitatis, breuitatis, atque euidentiæ nasciscatur è noua, directæque methodo (rectè tamen, cautèque usurpata) acutissimi Geometra Caualerij, per indiuisibilium doctrinam nobis amicissimam &c.*) Illicò Tacquet exemplar pecunia proprium fecimus; ac diligentissimè ipsi studuimus; doctrinasque nouas, & peregrinas in ipso comprehensas semper admirati fuimus. Sed animaduertimus mancum ipsum extitisse, quia Caualerianis indiuisibilibus

bilibus aduersabatur, veluti fusè explicauimus in schol. vltimo lib. 2. de Infinit. parab. Hæc igitur vnica, & genuina causa impellit nos quædam rimari, in quibus Tacquet videbatur deficere. Cumque geometrica inuenta facillime prodeant ex alijs prius animaduersis: agerque geometricus adeo sit fertilis, vt copiosissimos fructus illis reddat, qui mentis ligone ipsum effodiunt: hinc ortum duxit, vt ea omnia colligeremus, quæ in dictis libris de Infinit. parab. euulgauimus: & paulo post breui temporis interstitio, quæ in nostris Miscellaneis Hyperbolico, & Parabolico, ac in Geometrico publicauimus. Porro dum res ad infinitas parabolas attinentes pertractarem, hæcque nobis iam sat familiares apparerent, denuo infinitæ spirales in mentem deuenere: atque maturè discussa, & pensitata analogia à Caualerio agnita inter spiralem archimedeam, & parabolam quadraticam; videbatur nobis ipsam ad infinitas spirales, & infinitas parabolas non multo labore extendi posse. Et quidem determinatè statueramus ab initio opusculum de infinitis spiralibus pro quinto subnectere quatuor libris de infinitis parabolis: & hac de causa dumtaxat concinnauius in lib. 1. propositiones 23. & 24. lemmaticas pro spiralibus, & nullis in dictis libris ordinatis inseruientes. Sed varijs de causis coacti fuimus illud opus citissimè absoluere, ac tam impolitum, vt apparet, publici iuris facere, & opusculum de infinitis spiralibus ad hoc vsque tempus reseruare. Hæc ergo, Benigne Lector, vera est,

& vni-

& vnica inuentorum nostrorum historia: quam candidè tibi tradidimus, vt nullus laude defraudetur emerita. De infinitis namque spiralibus nescimus quempiam verba fecisse. Sed prima ad hæc rimanda incitamenta à nobilissimo Geometra Riccio habuimus. An verò infinitæ spirales, quas in posterum sumus explicaturi illæ sint eædem, quas Riccius in votis olim habebat, penitus ignoramus. Ast quomodocunque sit, sequentia omnia proprio Marte compilauimus; & distinctius quam licuit Tibi communicare conati fuimus, vt à simili labore subleueris. Sequentia percurrere. Alia, fauente Deo, is succedent. Vale.

Noi Reformatori dello Studio di Padoa.

HAuendo offeruato per fede del P. Inquisit. non esserui nel Libro intitolato De Infinitorum Spiraliū Spatiōrum del P. F. Stefano de Angelis cosa contro la Santa Fede, e parimente per attestato dal Segretario nostro niente contro Prencipi, ò buoni costumi, concedemo licenza, che possi essere stampato, douendo offeruarsi gl'ordini, & esserne presentate due copie per le presente Librerie di Padoa, e di questa Città,

Dat. dal Magist. nostro li 27. Agosto 1669.

{ Zuanne Donado Ref.
{ Nicolo Capello Ref.

Alemante Angelo Donini Segr.

Facultas Reuerendissimi Patris Generalis.

Laudetur Iesus Christus.

Opus in scriptum, *De Infinitorum Spiraliu Spatiu Mensura*. compositum ab Admodum R. P. Stephano de Angelis Veneto Professo Nostri Ordinis Iesuatorum, ac in Prouincia Veneta Definitore, concedimus Typis demandari, dummodo habeat necessarias licentias, & approbationes, quæ de iure sunt necessariae &c. In quorum fidem præsentem manu propria subscripsimus, ac proprio Nostri Officij sigillo munimus.

Datum Brixie in Nostro Monasterio Corporis Christi, die 28. Iulij 1660.

Fr. Antonius Nouellus Gen. Iesuat.



DE INFINITORVM
SPIRALIUM
SPATIORVM MENSURA,
OPVSCVLVM GEOMETRICVM.



Rehimes Geometrarum facile Princeps in aureo illo libello, quem de spiralibus, seu Helicibus conscripsit, ante cætera, naturam ipsarum luculenter explanat, definiens. Spiralem lineam fore illam nuncupandam, quæ à duplici motu æquabili, eodemque peracto tempore ortum ducit: nimirum, semidiametri dati circuli circa centrum immotum: & centri interim semidiametrum ipsam permeantis. Ità etenim loquitur. *Si recta linea in plano, altero eius termino quiescente circumferatur, donec ad locum redierit unde primo capit moueri, & simul cum hac circumducta linea punctum seratur & ipsum sibi*


A ipsi

ipsi æquali semper velocitate moueatur secundum ipsam lineam motam, incipiatque à termino lineæ quiescente versus alterum ferri punctum, huiusmodi spiralem lineam in plano describet. Vt e.g. in schem. seq. confideremus semidiametrum AR , immoto puncto A , cieri æquabiliter, adeo vt describat circulum $RSOR$, interim verò etiam punctum A , moueatur æquabiliter per AR , adeo vt eodem tempore punctum R , describat peripheriam $RSOR$, punctum verò A , perueniat ad R . Lineam curuam $ACFR$, ortam ex duplici hoc motu æquabili appellat Archimedes lineam spiralem primæ reuolutionis. Sicuti spatium $ACRA$, contentum linea curua prædicta, & recta AR , vocat primum spatium. Circulum cuius semidiameter AR , circumscriptum dicto spatio, primum circulum. Punctum A , principium lineæ spiralis. Positionem lineæ AR , à qua inceptit circulario, principium circulationis. Si autem radius AR , intelligatur duplicatus in RG , vel triplicatus &c. & motus continuetur vt prius: appellat Archimedes spirales secundæ circulationis; tertæ; &c. idem dicit de spatijs, & circulis. Sed hæc omnia locupletius percipientur ipsomet Archimede inspecto, sicuti & nostra sequentia: namque nos in sequentibus omnes Archimedis terminos passim vsurpabimus.

At nos vniuersaliter supponimus generari spirales. Supponimus enim cum Archimede generari vtique ex duplici motu eorundem mobilium: quorum ille, qui fit à centro permeante semidiametrum,

fit

fit semper æquabilis; ast ille, qui fit à semidiametro fixa in centro, fit vel æquabilis, vel variè acceleratus. Si ergo moto æquabiliter A , per AR , etiam AR , fixa in A , æquabiliter gyretur per circumferentiam $RSOR$: linea $ACFR$, genita ex duplici tali motu, vocatur à nobis prima spiralis, seu linearis, quæ est Archimæda. Si verò puncto A , æquabiliter moto per AR , interim AR , moueatur motu taliter accelerato, vt spatia RS , RSO , &c. peracta, sint vt quadrata temporum in quibus



peraguntur: linea ACR , vocetur secunda spiralis, seu quadratica. Si verò AR , moueatur motu taliter accelerato, vt spatia RS , RSO , sint vt cubi temporum: Illa linea dicetur tertia spiralis, seu cubica. Et sic in infinitum, secundum quod spatia peracta sunt ad inuicem, vt altiores temporum, in quibus peraguntur, potestates.

Si vero semidiametro AR , producta in G , adeo vt potestas GA , eiusdem gradus cum spirali sit dupla similis potestatis AR . v.g. in spirali lineari, fit GA , dupla AR : in quadratica fit quadratum GA , duplum quadrati AR : in cubica cubus fit duplus


cubi, &c. & intelligamus continuari motus priores, secundum quod explicatum fuit supra ex Archimede in spirali secundæ reuolutionis: lineæ genitæ, spatia, circuli, &c. dicendi sunt secundæ reuolutionis, &c. Idem dicendum si potestas AR , eiusdem gradus cum spirali intelligeretur triplata, quadruplata, &c. Spirales etenim, spatia, &c. dicerentur tertiæ reuolutionis, quartæ, &c. Hæc omnia nullo negotio percipientur à viris Archimedeis: ipsum enim & nunc, & in sequentibus imitabimur.

PROPOSITIO I.

Si in quamcunque infinitarum spiraliū, ortam ex prima reuolutione, ab initio ipsius incidant duæ lineæ, quæ producantur usque ad circumferentiam primi circuli. Arcus circuli in præcedentia contenti inter initium circulationis, & ductas lineas, erunt ad inuicem, ut potestates incidentium in spiralem eiusdem gradus cum spirali.

Esto quælibet ex infinitis spiraliū $ACER$, orta ex prima reuolutione, & esto primus circulus $RSOR$, & in spiralem incidant ab initio A , duæ rectæ AC , AF , quæ occurrant circumferentiæ in O , & N . Dico circumferentiam RSO , esse ad circumferentiam $RSON$, ut potestas AC , eiusdem gradus cum spirali, ad similem potestatem AF . V.g. in prima spirali, seu lineari, ut AC , ad AF . In sec. hoc est quadratica, ut quadratum AC , ad quadratum

dratum AF . In cubica, ut cubus AC , ad cubum AF . Et sic in infinitum. Præsens propositio parum diuersè ostendetur à modo, quod demonstratur ab Archimede in lineari in proposit. 14. Quoniam enim AC , est ad AF , ut tempus motus per AC , puncti A , ad tempus motus eiusdem puncti A , per AF (quia motus puncti A , supponitur æ-



quabilis): ergo & ut quælibet potestas AC , ad homogeneam potestatem AF , sic similis potestas temporis motus A , per AC , ad similem potestatem temporis motus A , per AF . Sed ut potestas temporis eiusdem gradus cum spirali motus A , per AC , ad similem potestatem motus per AF , sic ex hypothesi, arcus RSO , ad arcum $RSON$. Ergo & arcus ad arcum erit, ut potestas AC , eiusdem gradus cum spirali, ad similem potestatem AF . Quod &c.

COROLLARIUM.

Ergo conuertendo, & diuidendo, erit arcus NO , ad arcum OSR , ut excessus potestatis AF , eiusdem gradus

gradus cum spirali supra similem potestatem AC ,
ad similem potestatem AC .

SCHOLIUM.

Sed cum, ut potestas FA , eiusdem gradus cum spirali ad similem potestatem CA , sic FA , ad ultimum terminum proportionis FA , ad CA , continuatæ ad tot terminos quotus est numerus spiralis unitate maior: erit & arcus $NO SR$, ad arcum OSR , ut FA , ad hanc ultimam proportionalem. Nempe in lineari ut FA , ad CA . In quadratica, ut FA , ad tertiam proportionalem minorem ipsarum FA , CA . In cubica ad quartam: Et sic in infinitum. Et diuidendo, erit NO , ad OSR , ut excessus FA , supra ultimam minorem proportionalem ad ipsam.

PROPOSITIO II.

Sint quæcumque infinitarum spiralem ex alijs reuolutionibus genitam, & in sibi circumscriptum circulum incidant dua linea, ut prius. Potestates incidentium in spiralem eiusdem gradus cum spirali erunt ad inuicem, ut arcus predicti, vna cum tot integris peripherijs, quotus est numerus reuolutionum unitate minor.

Sed potestate semidiametri AR , congruentæ spirali, duplicata, triplata, &c. in G , ut explicatum fuit supra, intelligamus continuatis motibus, spiralem

ralem $ACFR$, continuatam fore in $TVMG$, &c. cui AC , AF , incidant in V , M . Dico in prima spirali, esse AM , ad AV , ut tota circumferentia circuli $RSOR$, tot vicibus accepta, quotus est numerus reuolutionum unitate minor, vna cum arcu $NO SR$, ad eundem numerum totius circumferentiæ $RSOR$, vna cum arcu RSO . In secunda, sic esse quadratum AM , ad quadratum AV . In tertia, sic cubum ad cubum. Et sic in infinitum. Diximus autem AM , AV , esse in prædictis rationibus cum circumferentijs circuli cuius semidiameter AR , quia isti arcus sunt in eadem ratione cum similibus arcubus circuli cuius semidiameter AG , ad cuius peripheriam intelligendæ sunt extensæ AV , AM ; quia sunt concentrici.

Hæc propositio ostendetur ad modum superioris, & ad modum Archimedis in proposit. 15.


COROLLARIUM.

Ergo conuertendo, & diuidendo, erit excessus potestatis AM , eiusdem gradus cum spirali supra similem potestatem AV , ad potestatem AV , ut arcus NO , ad arcum OSR , vna cum tot integris peripherijs $RSOR$, quotus est numerus reuolutionum unitate minor.

PROPOSITIO III.

Si à semidiametro primi circuli circumscripti spatio spirali abscindatur qualibet linea, & centro initio, semidiametro abscissa describatur circuli peripheria. Erit tota circumferentia primi circuli, ad peripheriam descripti circuli contentam inter lineam initium reuolutionis, & spiralem, in præcedentia, ut potestas radij primi circuli vno gradu altior potestate spiralis, ad similem potestatem abscissæ.

IN schem. seq. abscissa AV, ab AE, semidiametro primi circuli circumscripti primo spatio cuiuscunque spatij spiralis AIEA, centro A, interuallo AV, describatur circulus VTIV. Dico totam circumferentiam EMSE, esse ad circumferentiam VTI, ut potestas EA, vno gradu altior potestate spiralis, ad similem potestatem AV. V.g. in lineari, ut quadratum ad quadratum. In quadratica, ut cubus ad cubum. Et sic in infinitum. Namque, ratio circumferentiæ EMSE, ad VTI, componitur ex ratione ipsius ad rotam circumferentiā VTIV, & huius ad VTI, (nempe circumferentiæ EMSE, ad EMS.) Sed ut EMSE, circumferentia ad totam VTIV, sic EA, ad AV; & ut eadem EMSE, ad EMS, sic ex proposit. pri. potestas EA, eiusdem gradus cum spirali, ad similem potestatem AI, seu AV. Ergo & ratio circumferentiæ ad circumferentiam componetur ex his duabus



duabus rationibus: nempe circumferentia ad circumferentiam erit, ut potestas EA, vno gradu altior potestate spiralis, ad similem potestatem AV. Quod &c.

PROPOSITIO IV.

Si in excessu semidiametri circuli circumscripti cuilibet spatio Heluo à primo, supra semidiametrum circuli unitate minoris, sumatur punctum; & centro initio, interuallo assumpto puncto, describatur circuli peripheria. Erit to-

minorem, simul cum arcu BF, sic potestas BA, eiusdem gradus cum spirali, ad similem potestatem AM, seu AE: ergo & vt vnica peripheria radij AB, ad arcum solum BF, sic excessus potestatis AB, eiusdem gradus cum spirali, supra similem potestatem AG, ad excessum potestatis AE, itidem eiusdem gradus cum spirali, supra similem potestatem AG (ex genesi enim spiraliū, potestatis AB, eiusdem gradus cum spirali, potestas AG, continet tot partes, quotus est numerus spatij vnitatis minor, & differentia potestatum vnica.) Ergo ratio peripheriæ radij AB, ad arcum EM, componetur quoque ex ratione AB, ad AE, & ex ratione excessus potestatis AB, eiusdem gradus cum spirali, supra similem potestatem AG, ad excessum similis potestatis AE, supra eandem potestatem AG. Nempe erit ad ipsum, vt factum sub AB, in priorem excessum, ad factum sub AE, in posteriorem excessum. Quod erat ostendendum.

SCHOLIUM.

Quæ sint infinita trilinea parabolica explicatum fuit initio primi libri eorum, quos de infinitis parabolis euulgauimus. Diximus enim ibidem, nos pro talibus trilineis intelligere spatia, quæ sunt excessus parallelogrammi circumscripti infinitis semiparabolis supra ipsas. De infinitis trilineis in proposit. 23. & 24. eiusdem libri ostendimus duas proprietates,


res, quæ, quoniam statueramus ab initio cum opere de infinitis parabolis edere etiam hoc opusculum de infinitis spiraliū, in harum gratiam explicatæ fuerunt. Verum, quoniam multa nos coegerunt absolueri quamprimum opus illud, citatæ propositiones tunc temporis proprium finem haud fuerunt consecutæ. Cum autem sint in præsentiarum necessariae, determinauimus, vt cuilibet sint in promptu, ipsas ex citato opere transcribere; sed nunc vigesimam tertiam, infra suo loco, vigesimam quartam. Sit ergo.

PROPOSITIO V.

Si à vertice cuiuscunque trilinei à primo ducatur linea in basim secans curuam parabolicam: & per punctum ubi secat curuam ducatur vsque ad diametrum parallela basi. Erit basis trilinei ad sui partem interceptam inter ductam, & diametrum, vt potestas diametri trilinei vno gradu inferior potestate trilinei, ad similem potestatem diametri trilinei ad verticem.

Sit quodlibet trilineum à primo (nempe primo excepto, quod est triangulum) CBA, cuius vertex B, diameter BA, & à vertice B, ducatur BD, in basim secans curuam in E & per E, ducatur EF, parallela CA. Dico CA, esse ad AD, vt potestas AB, vno gradu inferior potestate trilinei, ad similem potestatem BF. V.g. in trilineo quadratico, erit CA, ad AD, vt AB, ad BF. In cubico, vt

quadra-



quadratum AB , ad quadratum BF . In quadrato-
quadratico, ut cubus AB , ad cubum BF . Et sic in
i. finitum. Quoniam enim proportio CA , ad AD ,
componitur ex proportione CA , ad EF , & huius
ad DA : ex generi autem parabolarum, est ut CA ,
ad EF , sic potestas AB , eiusdem gradus cum trili-
neo, ad similem potestatem BF : & ut EF , ad DA ,
sic BF , ad BA . Ergo ratio CA , ad AD , compo-
nietur ex rationibus potestatis AB , eiusdem gradus
cum trilineo ad similem potestatem BF , & ex ratio-
ne BF , ad BA . Sed ex istis duabus rationibus com-
ponitur ratio potestatis AB , vno gradu inferioris
potestate trilinei, ad similem potestatem BF . Ergo
patet propositum.

PRO-

PROPOSITIO VI.


*Excessus primi circuli supra quodlibet spirale spatium ex
prima reuolutione, est æqualis trilineo parabolico vno gra-
du altiori spatio spirali, cuius diameter sit æqualis semi-
diametro circuli, basis verò circumferentiæ.*

Sit quæcunque spiralis ex prima reuolutione
AIE, AE, verò sit linea reuolutionis initium,
sitque etiam semidiameter circuli primi; pariter esto
parallelogrammum rectangulum ZQ, circumscri-
ptum semiparabolæ ZOR, cuius basis ZR, ver-
tex O, quæ sit gradus vnitatis altioris gradu spiralis:
v. g. si spiralis sit linearis, parabola sit quadratica: si
spiralis sit quadratica, parabola sit cubica: &c. in-
super ZR, seu OQ, sit æqualis semidiametro EA,
ZO, verò, seu RQ, sit æqualis circumferentiæ
EMSE. Dico excessum circuli supra spatium spira-
le (qui d. inceptus breuitatis gratia vocabitur excessus
absolutè) æqualem esse RGOQ, trilineo. Acci-
piatur in AE, arbitrariè punctum V, & centro A,
interuallo AV, describatur circulus secans spiralem
in I, & ducatur AIS: deinde fiat OX, æqualis
AV, seu AI, & ducatur XGY, parallela RQ,
& per G, ipsa GB, parallela RZ. Quoniam enim
ex natura parabolæ explicata initio lib. pri. de infin.
parab. est ut potestas RZ, seu OQ, congruens pa-
rabolæ ad similem potestatem BG, seu OX, sic
ZO,

ZO, seu RQ, ad BO, seu GX: & cum ut talis potestas QO, ad similem potestatem OX, sic in spirali similis potestas EA, ad similem potestatem AV (quia QO, OX, sunt æquales ipsis EA, AV.) Ergo ut RQ, ad GX, sic potestas EA, congruens parabolæ, nempe vno gradu altior potestate spiralis, ad similem potestatem AV, seu AI. Sed ex proposit. 3. ut talis potestas EA, ad potestatem AI, sic circumferentia EMSE, ad circumferentiam VTI. Ergo & ut RQ, seu YX, ad GX, sic circumferentia EMSE, ad circumferentiam VTI. Ergo & permutando, ut XY, ad EMSE, sic GX, ad VTI. Sed ex constructione, YX, seu RQ, est æqualis circumferentiæ EMSE. Ergo etiam GX, erit æqualis VTI. Cum ergo puncta V, X, sumpta fuerint arbitrariè, ergo omnes lineæ trilinei RGOQ, parallelæ RQ, erunt æquales omnibus circumferentijs excessus circuli EMSE, supra spirale spatium; quæ circumferentiæ sunt concentricæ ipsi EMSE. Ergo & trilineum erit æquale prædicto excessui. Quod &c.

SCHOLIUM.

Notetur autem, quod supradicta propositio non solum verificatur secundum totas magnitudines, sed etiam secundum ipsarum partes proportionales. Nimirum, non modò totus excessus circuli erit æqualis toto trilineo RGOQ, sed etiam si AV, OX, sint



sint æquales, pars excessus clausa circumferentiæ EMSE, spirali EI, circumferentia ITV, & recta EV, erit æqualis trapezio parabolico RGXQ. Idem intelligatur de alijs partibus, dummodo semper AE, QO, æqualiter fecentur.


Ex hac doctrina, & ex schol. 1. proposit. 3. lib. 1. de Infinit. Parab. deducemus, quod si centro A, intervallo AV, describatur quælibet circumferentia VTI: erit totus excessus ad partem sui clausam curvis AI, ITV, & recta AV, ut potestas EA, duplici gradu altior potestate spiralis, ad similem potestatem

testatem AV . V. g. in lineari, vt cubus EA , ad cubum AV . In quadratica, vt quadratoquadratum ad quadratoquadratum, &c. Ratio est, quia ex citat. schol. trilineum $RGOQ$, est ad trilineum ad verticem $G O X$, in prædictis rationibus. Quæ doctrina diligenter notetur, ex ipsa enim non pauca faciliter in posterum deducemus.

PROPOSITIO VII.

Si intra circulum circumscriptum primo spatii helico ducatur circulus concentricus. Erit armilla, excessus primi circuli supra ductum, ad partem excessus quam comprehendit, vt tot medietates amborum radiorum circularum, quotus est numerus gradus spiralis binario auctus, ad tot numero terminos proportionis, continuata ratione radij maioris ad minorem, quorum primus sit radius maior.

IN eodem schemat. centro A , radio AV , fit quilibet circulus concentricus ipsi $EMSE$, & ipso minor, secans excessum, & spatium, vt in schemate. Dico armillam circulearem cuius latitudo VE , quæ est differentia circularum, esse ad partem excessus, quam continet, nempe illam, quam claudunt peripheria $EMSE$, spirali EI , circumferentia VII , & recta VE , vt tot medietates ipsarum EA , AV , quotus est numerus gradus spiralis binario auctus, ad EA , AV , cum tot continuè proportionalibus proportionis EA , AV , continuatæ, quotus est



est idem numerus gradus spiralis binario auctus. V. g. in spirali lineari, vt 3. medietates ipsarum EA , AV , seu vt EA , AV , sesquialteræ, ad EA , AV , cum tertia proportionali. In quadratica, vt 4. medietates EA , AV , seu vt ipsarum duplæ, ad EA , AV , cum duobus alijs terminis continuè proportionalibus. Et sic in infinitum.

Trilineum parabolicum anteced. proposit. sit sectum cum triangulo sibi circumscripto linea NGX , RQ , parallela, vt QX , æquetur EV . Patet faciliter ex proposit. anteced. & ex eius schol. sicuti totum

tum triangulum ROQ , est æquale toti circulo radij AE , & totum trilineum RGQ , est æquale toti excessui, sic trapezium $RNXQ$, esse æquale armillæ latitudinis VE ; & trapezium $RGXQ$, esse æquale excessui ab armilla comprehenso. Ergo armilla ad excessum, & trapezium triangulare ad trapezium trilineare, habebunt eandem rationem. Tunc, ratio trapezij $RNXQ$, ad trapezium $RGXQ$, (de foris sumpto parallelogrammo YQ) componitur ex ratione illius ad parallelogrammum, & huius ad trapezium $RGXQ$. Ast ex 2. parte proposit. 9. lib. pri. de Infinit. Parab. est trapezium $RNXQ$, ad YQ , ut XO , OQ , ad duplam OQ ; & ut OX , OQ , seu ut duæ medietates OX , OQ , ad duplam OQ , sic tot medietates OX , OQ , quotus est numerus gradus spiralis binario auctus, ad tot numero QO . Ergo $RNYQ$, erit ad YQ , ut illæ tot medietates ad tot QO . Sed YQ , est ad $RGXQ$, ex loc. citat. ut tot QO , quotus est numerus trilinei unitate auctus (nempe quotus est numerus spiralis binario auctus) ad QO , OX , cum alijs terminis proportionis QO , ad OX , continuatæ ad tot terminos, ut numerus eorum excedat numerum trilinei unitate (nempe spiralis binario.) Ergo ratio trapezij triangularis, ad $AGXQ$, componitur ex iisdem rationibus. Sed ex ipsis componitur etiam ratio tot medietatum QO , OX , quotus est numerus spiralis binario auctus, ad QO , OX , cum illis tot numero terminis. Ergo etiam

trape-

trapezium ad trapezium, & consequenter armilla latitudinis VE , erit ad partem excessus dictam, quam comprehendit, ut illæ tot medietates ad illas proportionales. Nempe, ut tot medietates ipsarum EA , AV , quotus est numerus spiralis binario auctus, ad EA , AV , vna cum tot alijs proportionalibus, quæ simul adæquent eundem numerum spiralis binario auctum.

COROLLARIUM.

Ergo per conuersionem rationis, erit armilla radij VE , ad partem spatij helici quam claudit, nempe ad illam, quæ clauditur recta VE , & curuis IE , IV , ut illæ medietates ad excessum ipsarum supra illas proportionales. Nempe in lineari ut sesquialtera EA , AV , ad excessum vnius medietatis EA , AV , supra tertiam minorem proportionalem. In quadratica, ut excessus EA , AV , supra tertiam, & quartam minores proportionales, &c.

PROPOSITIO VIII.

Circulus ductus concentricus, erit ad partem excessus, quam continet, ut potestas radij circuli maioris eiusdem gradus cum spirali, ad talem partem similis potestatis radij ducti, quæ se habeat ad totam, ut binarium ad numerum spiralis binario auctum.

In

IN Eodem schemate. Dico circulum radij AV, esse ad AITVA, partem excessus quam claudit, ut potestas EA, eiusdem gradus cum spirali, ad partem similis potestatis AV, quæ se habeat ad totam potestatem AV, ut binarium ad numerum spiralis binario auctum. Nempe in lineari, ut EA, ad $\frac{1}{2}$ AV. In quadratica, ut quadratum EA, ad $\frac{1}{4}$ quadrati AV. In cubica, ut cubus EA, ad $\frac{1}{8}$ cubi AV. Et sic discurrendo.

Triangulum enim NOX, est æquale circulo radij AV, & trilineum GOX, æquale excessui AITV; ergo triangulum ad trilineum, & circulus ad excessum erunt in eadem ratione. Sed intellecta recta GO, triangulum NOX, est ad triangulum GOX, ut NX, ad GX (nempe ut tota circumferentia VTI, ad circumferentiam VTI (NX, enim, & GX, sunt æquales illis circumferentijs:)) & triangulum GOX, est ad trilineum GOX, ex schol. pri. proposit. 1. lib. 1. de Infinit. Parab. ut numerus trilinei unitate auctus (nempe ut numerus spiralis binario auctus) ad binarium, nempe, ut GX, ad talem sui partem; seu ut circumferentia ITV, ad talem sui partem. Ergo ex æquali, erit NOX, ad trilineum, & consequenter circulus radij EA, ad partem excessus AITV, ut tota circumferentia radij AV, ad talem partem VTI, quæ se habeat ad ipsam, ut binarium ad numerum binario auctum. Sed ut circumferentia radij AV, ad dictam partem circumferentiæ VTI, sic circumferentia

rentia radij EA, ad similem partem circumferentiæ EMS: & cum sit ut circumferentia radij AE, ad EMS, sic potestas EA, eiusdem gradus cum spirali, ad similem potestatem AI, seu AV; unde est etiam ut circumferentia radij AE, ad talem partem EMS, quæ se habeat ad ipsam, ut binarium ad numerum binario auctum, sic potestas EA, eiusdem gradus cum spirali ad talem partem similis potestatis AV, quæ se habeat ad ipsam, ut binarium ad numerum spiralis binario auctum. Ergo à primo ad ultimum, erit circulus radij AV, ad excessum AITV, ut dicta potestas EA, ad dictam partem similis potestatis AV. Quod erat ostendum.

COROLLARIUM.

Per conversionem ergo rationis erit circulus radij AV, ad partem spatij, quam claudit, nempe ad AITVA, ut dicta potestas EA, ad excessum ipsius supra dictas partes potestatis similis AV.

SCHOLIUM.



Ut imitemur Cavalerium in lib. 6. Geom. Indi. ostendimus 6. propositionem per indivisibilia: verum ipsum omnimodè insequentes, illam ostendemus modo Archimedeo, & ipsam demonstrabimus universaliter: non modò quia agemus de infinitis spirali- bus, cum ipse de vnica egerit dumtaxat, sed etiam quia

quia vniuersaliter considerabimus trilinea, & non prædictis excessibus æqualia tantum, vt fecit Caualerius. Modus iste ostendendi Archimedeus non modò potest seruari in ista propositione, sed etiam in omnibus alijs sequentibus, in quibus particulariter in spirali lineari ipso vtitur Caualerius; & quidem semper duplici de causa vniuersaliter. Verum nos ipsum non adhibebimus nisi in præsentis propositione. In alijs etenim vtemur regali, & facili indiuisibilium via, relinquentes illam archimedeam ijs, qui in rebus geometricis cupiunt excrucari. Verum tamen est, quod si quis optabit ostendere illas propositiones Archimedee, id ei licet perficere, attentè considerata sequenti propositione, & ad ipsius instar, sed congruenti modo, operando, & discurrendo.

PROPOSITIO IX.

Circulus ad excessum sui supra quodlibet spatium spirale ex prima reuolutione eam habet proportionem, quam habet triangulum circumscriptum trilineo vno gradu altiori spirali, ad ipsum.

Sit quæcunque spiralis ex prima reuolutione $ASRMB$, cum sibi circumscripto circulo $BDCE$, & sit quodlibet triangulum rectangulum cum sibi inscripto trilineo FGH , vno gradu altiori spiralis, vt dictum fuit supra. Dico circulum dictum, esse ad excessum ipsius supra spatium spirale




spirale $ASRMB$, vt triangulum FGH , ad trilineum FGH , sibi inscriptum.

Si triangulum non est ad trilineum in eadem ratione cum circulo ad illum excessum, vel est in maiori, vel in minori. Sit primò in minori. Ergo triangulum ad aliquid minus illo trilineo erit in eadem ratione. Sit α , excessus quo trilineum superat magnitudinem, ad quam triangulum est in eadem ratione cum circulo ad illum excessum. HG , basis
D. trian-

trianguli diuidatur bifariam in π , & partes rursū bifariam in P, r, & hoc semper fiat, donec à vertice F, ductis F^r , F^π , F^P , tandem deueniatur ad triangulum F^rG , quod sit minus spatio a ; & per puncta I, k, L, vbi ductæ à vertice F, secant curuam parabolicam, ducantur parallelae ipsi HG, vt in schemate. Habemus ergo trilineo circumscriptam figuram constantem ex triangulo FIQ, & ex trapezijs kQ, LT, HV; & alteram inscriptam constantem ex trapezijs NQ, OT, PV; & excessus circumscriptæ supra inscriptam minor est spatio a : quia excessus prædictus (vt consideranti patet) æquatur triangulo F^rG , quod ex constructione, est æquale a . Ergo trilineum superabit figuram sibi inscriptam multo minori quantitate quam sit a . Ergo triangulum HFG, ad talem figuram in trilineo inscriptam adhuc erit in minori ratione quam circulus ad excessum supra spatium spirale. Quod seruetur.

Tunc AB, diuidatur similiter in 3, 4, 7, sicuti diuisa est FG, in Q, T, V: & centro A, interualis A 3, A 4, A 7, describantur circumferentiæ 3 S, 4^s R, 7 8 9 M, secantes spiralem in S, R, M, per quæ transeant ASD, ARC, AME, productæ ad circumferentiam vsque.

Quoniam ergo circumferentia BDCEB, ad circumferentiam 7 8 9 M, est ex proposit. 3. vt potestas BA, vno gradu altior potestate spiralis, ad similem potestatem A7; & AB, GF, sectæ sunt propor-



portionaliter in 7, V; vnde est vt potestas BA, vno gradu altior potestate spiralis, ad similem potestatem A7, sic similis potestas GF, ad similem potestatem FV; ergo & circumferentia BDCEB, erit ad circumferentiam 7 8 9 M, vt potestas GF, vno gradu altior potestate spiralis (nempe eiusdem gradus cum trilineo, quod supponitur vno gradu altius spirali) ad similem potestatem FV. Sed ex natura trilinei, est vt prædicta potestas GF, ad potestatem FV,

D 2 sic

fic HG, ad LV. Ergo & vt HG, ad LV, sic circumferentia BDCEB, ad circumferentiam 789M. Eodem modo probabimus, circumferentiam BDCEB, esse ad circumferentias 4^2R , $3S$, vt HG, ad KΓ, LQ; idemque probabimus de alijs circumferentijs inscriptis in excessu, si adessent. Cum ergo 34, sit proportionalis ipsi QT; circumferentia 3S, ipsi IQ; & circumferentia 4^2 , ipsi NT: Ergo fascia circularis $3S^24$, erit proportionalis trapezio NQ, ex luculenter explicatis in proposit. 7. lib. 2. de infinit. parab. & in scholijs eiusdem; vnde erit circulus totus ad fasciam prædictam, vt triangulum HFG, ad trapezium IT. Eodem modo probabitur esse circumferentiam ad fasciam 4^2R 987, vt HFG, triangulum ad trapezium kV; & circulum ad fasciam 789MECDB, vt triangulum ad trapezium LG; & sic probaretur de alijs. Ergo circulus erit ad omnes fascias inscriptas intra illum excessum, vt triangulum ad omnia trapezia inscripta intra trilineum. Sed triangulum probatum est supra, esse ad omnia trapezia inscripta in trilineo, in minori ratione, quam circulus ad excessum illum. Ergo circulus ad omnes fascias inscriptas intra excessum, erit in minori ratione, quam ad excessum ipsum. Quod implicat. Quare &c.

Sed nec etiam erit triangulum in maiori ratione ad trilineum, quam circulus ad excessum. Nam sic, triangulum ad aliquid maius trilineo erit in eadem ratione cum circulo ad excessum. Sit excessus rursus

⁹, vt

⁹, vt triangulum sit ad trilineum cum ⁹, in eadem ratione cum circulo ad excessum. Diuidatur iterum HG, bifariam, & partes iterum bifariam, & constituentur triangula, vt factum est prius, vt vnum triangulorum v.g. FFG, minus sit spatio ⁹. Ergo triangulum ad trilineum simul cum triangulo FFG, erit adhuc in maiori ratione quam circulus ad excessum. Si ergo factis circumscriptione, & inscriptione vt in schemate: patebit triangulum IFQ, cum trapezijs kI, Lk, HL, quæ sunt æqualia excessui figuræ circumscriptæ supra trapezia NQ, QT, PV, inscripta, æqualia esse triangulo FFG. Ergo figura circumscripta superabit inscriptam spatio minori ⁹. Ergo figura circumscripta superabit trilineum multò minori quantitate. Ergo triangulum ad figuram circumscriptam erit in multo maiori ratione, quam circulus ad excessum. Sed eodem modo, quo factum fuit supra, probabimus, circulum ad sectorem SA 3, esse vt triangulum ad triangulum IFQ; & circulum ad fasciam 34^2R^2S3 , vt triangulum HFG, ad trapezium kQ: & sic de alijs fascijs, & trapezijs circumscriptis excessui prædicto, & ipsi trilineo. Ergo circulus ad totam figuram excessui circumscriptam, erit vt triangulum ad figuram circumscriptam trilineo. Ergo circulus erit in maiori ratione ad figuram circumscriptam excessui, quam ad ipsum excessum. Quod iterum implicat. Ergo &c. Quod &c.


COROLLARIUM

Ergo per conuersionem rationis, erit circulus ad ipsum spatium spirale, vt triangulum ad excessum ipsius supra trilineum. Cum ergo ostensum sit in schol. 1. proposit. 1. lib. 1. de Infinit. Parab. esse triangulum HEG, ad excessum ipsius supra trilineum, vt numerus trilinei vnitatem auctus, ad numerum trilinei vnitatem minutum: erit & circulus ad spatium spirale, vt numerus trilinei vnitatem auctus, ad ipsam vnitatem minutum: nempe vt numerus spiralis binario auctus ad ipsum numerum spiralis (numerus enim trilinei superat semper numerum spiralis vnitatem.) Erit ergo circulus ad primum spatium spirale, vt 3. ad 1. Ad secundum, vt 4. ad 2. Ad tertium, vt 5. ad 3. Et sic in infinitum, auctis semper antecedente, & consequente vnitatem.

PROPOSITIO X.

Si in spiralem quamcunque ex prima reuolutione ortam ducatur linea, & centro initio, interuallo illa linea describitur circulus. Erit primus circulus spirali circumscriptus, ad sectorem circuli descripti contentum ducta linea, & portione abscissa à linea, quæ est initium reuolutionis in præcedentia, vt potestas semidiametri primi circuli duplici gradu altior potestate spiralis, ad similem potestatem radij alterius circuli.

Esto



Esto quælibet spiralis ex prima reuolutione orta AIE, in qua ducta vbilibet ab initio A, linea AI, centro A, interuallo AI, sit descriptus circulus VITV. Dico circulum radij AE, esse ad sectorem AVTIA, vt potestas EA, duplici gradu altior potestate spiralis, ad similem potestatem AI, seu AV. Nempe in lineari, vt cubus ad cubum. In quadratica, vt quadratoquadratum ad quadratoquadratum &c.


Nam circulus radij AE, ad sectorem AVTIA, habet rationem compositam ex ratione ipsius ad circulum

culum radij AV, & huius ad sectorem. Sed vt circulus radij AE, ad circulum radij AV, sic quadratum AE, ad quadratum AV: & vt circulus radij AV, ad sectorem AVTIA, sic peripheria VTIV, ad peripheriam VTI; nempe sic peripheria EMSE, ad peripheriam EMS: & vt peripheria EMSE, ad EMS, sic potestas EA, eiusdem gradus cum spirali, ad similem potestatem AI, seu AV, exproposit. 2. Ergo circulus radij AE, ad sectorem AVTIA, habebit rationem compositam ex ratione AE, ad quadrati quadratum AV, & ex ratione potestatis AE, eiusdem gradus cum spirali, ad similem potestatem AV. Sed ex his duabus rationibus componitur ratio potestatis AE, duplici gradu altioris potestate spiralis, ad similem potestatem AV. Quare patet propositum.

SCHOLIUM.

Cum in schol. proposit. 6. probatum sit, esse excessum circuli radij AE, supra spatium spirale, ad sui partem contentam recta AV, & curva AI, ITV, vt potestas pariter EA, duplici gradu altior potestate spiralis, ad similem potestatem AV. Erit etiam predictus excessus ad talem sui partem, vt circulus radij AE, ad sectorem AVTIA. Ex qua analogia, seu similitudine proportionum licebit varia veluti corollaria deducere.

CO-



COROLLARIUM I.

Deducemus enim primo, quod intellecto trilineo parabolico RGOQ, vno gradu altiore gradu spiralis, cum sibi circumscripto triangulo ROQ; erit triangulum ad trilineum, vt sector AVTIA, ad excessum ipsius supra portionem spatij spiralis comprehensam recta & curua AI. Quod patet, quia cum sit totus circulus radij AE, ad sectorem AVTIA; vt excessus circuli radij AE, supra spatium spirale

E ad

ad partem ipsius comprehensam recta AV, & curuis VTI, IA: erit etiam permutando, circulus radij AE, ad excessum, vt AVTIA, ad illam partem excessus, quam comprehendit. Sed ex propof. 9. est circulus ad excessum, vt triangulum ROQ, ad trilineum. Ergo etiam sector ad illum excessum erit, vt triangulum ad trilineum.


COROLLARIUM II.

Deducemus 2. esse etiam per conuersionem rationis, sectorem AVTIA, ad partem spatij spiralis contentam recta, & curua AI, vt triangulum ad excessum ipsius supra trilineum. Nempe iuxta explicata in schol. eiusdem proposit. vt numerus spiralis binario auctus, ad numerum spiralis.

COROLLARIUM III.

Deducemus 3. etiam armillam circula rem cuius latitudo SI, vel VE, vna cum sectore AVIA, esse ad spatium comprehensum rectis AI, AE, & curua EI, vt numerus binario auctus, ad numerum. Cum enim probatum sit, esse vt totum ad totum, ita ablatum ad ablatum, nempe vt totus circulus ad totum spatium, sic ablatum sectorem AVTIA, ad ablatum spatium: erit & reliquum ad reliquum vt totum ad totum.

CO-



COROLLARIUM IV.

Deducemus 4. esse totum spatium spirale ad portionem sui contentam recta, & curua AI, vt potestas AE, duplici gradu altior potestate spiralis, ad similem potestatem AI, seu AV. Cum enim probatum sit, sic esse totum circulum ad totum spatium, vt sector AVTIV, ad partem clausa n recta, & curua AI. Erit etiam permutando, vt totus circulus ad sectorem, nempe ex presenti proposit. vt po-

E 2 testas

testis AE , duplici gradu altior potestate spiralis, ad similem potestatem AI , seu AV , sic totum spatium spirale, ad sui partem clausam recta, & curva AI .


COROLLARIUM V.

Non diuerso modo quo factum est in coroll. 3. deducemus 5. in schem. proposit. sequen. ductis ab A , initio spiralis $AXCDB$, duabus lineis AC , AD , intercipientibus spatium intermedium spirale CAD , ac semidiametris AC , AD , descriptis circulis, esse sectorem OAD , simul cum fascia $COGEV$, ad spatium CAD , vt numerus binario auctus ad numerum. Ex dictis enim, est in dicta ratione tam totus sector $ADOG$ EA , ad totum spatium $ADCXA$, quam ablati sector $ACNVA$, ad ablatum spatium ACX . Ergo & reliquum ad reliquum erit, vt totum ad totum: nempe in dicta ratione.

PROPOSITIO XI.


Si ab initio cuiuscunque spiralis ducantur due lineae terminate ad duo puncta intermedia spiralis, & centro initio, intervallo maiori ductarum describatur circulus. Sector circumscriptus spatio spirali à duabus ductis clauso, erit ad ipsum, vt factum sub quadrato maioris ductæ in differentiam potestatum ductarum eiusdem gradus cum spirali.

rali, ad sui tales partes, & facti sub differentia quadratorum ductarum in potestatem minoris eiusdem gradus cum spirali, quæ se habeant ad hæc facta, vt numerus spiralis ad numerum auctum binario.



ESto quælibet spiralis $AXCDB$, & ab initio A , sint ductæ AC , AD , & centro A , intervallo AD , maiori sit descriptus circulus, &c. Dico sectorem OAD , esse ad segmentum spirale CAD , vt factum sub quadrato OA , in differentiam potestatem OA , AC , eiusdem gradus cum spirali, ad sui tales partes, & facti sub differentia quadratorum OA , AC , in potestatem AC , eiusdem gradus cum spirali simul, quæ se habeant ad hæc facta, vt numerus spiralis ad numerum binario auctum. V. g. in lineari, vt factum sub quadrato OA , in OC , ad $\frac{1}{2}$ ipsius, & facti sub differentia quadratorum OA , AC , in AC . In quadratica, vt factum sub quadrato

to OA , in differentiam quadratorum OA , AC , ad $\frac{2}{3}$, huius, & facti sub eadem differentia in quadratum CA . In cubica, vt factum sub quadrato OA , in differentiam cuborum OA , AC , ad $\frac{3}{4}$ huius facti, & facti sub differentia quadratorum OA , CA , in cubum CA . Et sic in infinitum. Centro etiam A , interuallo AC , describatur alius circulus. Quoniam sector OAD , est ad sectorem CAM , vt quadratum OA , ad quadratum CA : ergo per conuersionem rationis, erit ad fasciam $MDOC$, vt quadratum OA , ad differentiam quadratorum, OA , AC . Quoniam verò ex coroll. proposit. prim. est circumferentia DO , ad circumferentiam OGE (nempe fasciam circularis $MDOC$, ad fasciam $COGEV$,) vt differentia potestatum AD , seu OA , & AC , eiusdem gradus cum spirali, ad similem potestatem AC : & sector OAD , ad fasciam $COGEV$, habet rationem compositam ex ratione ipsius ad fasciam $MDOC$, & huius ad fasciam $COGEV$. Ergo sector ad fasciam $COGEV$, erit in **ratione composita** ex ratione quadrati OA , ad differentiam quadratorum OA , AC , & ex ratione differentie potestatum OA , AC , eiusdem gradus cum spirali, ad similem potestatem CA . Ergo sector erit ad talem fasciam, vt factum sub quadrato OA , in differentiam potestatum OA , CA , eiusdem gradus cum spirali, ad factum sub differentia quadratorum OA , CA , in potestatem CA , eiusdem gradus cum spirali. Et conuertendo, & componendo, erit fasciam




sciam cum sectore ad eundem sectorem, vt factum sub differentia quadratorum OA , CA , in potestatem CA , eiusdem gradus cum spirali, cum factum sub quadrato OA , in differentiam potestatum OA , CA , eiusdem gradus cum spirali, ad hoc secundò factum. Et rursus conuertendo, erit sector ad fasciam cum sectore, vt secundo factum ad ambo facta. Sed ex coroll. 5. proposit. anteced. sector DAO , cum fasciam $COGEV$, est ad spatium spirale CAD , vt numerus spiralis binario auctus ad numerum spiralis; nempe vt ambo illa facta ad tales partes ipsorum, quæ sint ad ipsa facta, vt numerus spiralis ad numerum binario auctum. Ergo ex æquali, sector OAD , erit ad spatium spirale CAD , vt factum sub quadrato OA , in differentiam potestatum OA , CA , eiusdem gradus cum spirali, ad tales partes ipsius, & facti sub differentia quadratorum OA , CA , & sub potest-

potestate CA , eiusdem cum spirali gradus, quæ se habeant ad hæc facta, vt numerus spiralis ad numerum binario auctum. Quod &c.

SCHOLIUM I.

Notandum tamen est, quod quamuis supradicta propositio proposita sit de segmento intermedio CAD , & de sectore EI , circumscripto, hoc tamen non est ita intelligendum, quasi non verificetur etiam in segmento DAB , & in sectore EI circumscripto. Simili enim discursu obteniretur intentum.

Sed in prima, & secunda spirali faciliorem rationem sectoris ad spatium possumus, ex dictis, assignare. In prima enim spirali, erit sector ad spatium, vt quadratum AD , seu OA , ad rectangulum OAC , cum $\frac{1}{2}$ quadrati OC . In secunda autem, erit vt idem quadratum OA , ad rectangulum OAC , cum $\frac{1}{2}$ seu cum dimidio quadrati OC . Primum patet: quia cum ex regula generali deducatur, sectorem esse ad spatium, vt factum sub OC , in quadratum OA , ad $\frac{1}{2}$ huius, & facti sub differentia quadratorum OA , AC , in AC ; nempe facti sub OC , in compositam ex OC , & dupla CA , & sub CA : & cum in omnibus prædictis solidis sit vnum commune latus, nempe OC : sequitur sectorem esse ad spatium, vt quadratum OA , ad $\frac{1}{2}$ ipsius, & rectanguli sub CA , & sub composita ex OC , & dupla CA .



CA . Cum vero hoc rectangulum sub CA , & sub composita ex OC , & dupla CA , sit æquale duplo quadrato CA , & rectangulo OCA . Sequitur sectorem esse ad spatium, vt quadratum OA , ad $\frac{1}{2}$ eiusdem, simul cum $\frac{1}{2}$ duorum quadratorum CA , & rectanguli OCA . Sed $\frac{1}{2}$ horum planorum est rectangulum OAC , cum $\frac{1}{2}$ quadrati OC . Quia quadratum OA , diuiditur in quadrata OC , CA , & in duo rectangula OCA . Colligendo ergo omnia hæc plana, habebimus tria quadrata CA ; tria rectangula OCA ; & quadratum OC . Quorum $\frac{1}{2}$ est vnum rectangulum OCA , cum vno quadrato CA (nempe rectangulum OAC) cum $\frac{1}{2}$ quadrati OC . Quare patet primum.


Ferè eodem modo patebit secundum. Quia cum sector sit ad spatium, vt factum sub OC , in compositam ex OC , & dupla CA (hoc enim rectangulum

lum est differentia quadratorum OA, AC) & sub quadrato OA , ad dimidium huius facti, & facti sub eodem rectangulo in quadratum CA : & cum hæc omnia facta habeant commune planum rectangulum sub OC , in compositam ex OC , & duplā CA : sequitur sectorem esse ad spatium, ut quadratum OA , ad dimidium quadratorum OA, AC . Sed dimidium horum quadratorum est rectangulum OAC , cum dimidio quadrati OC , ut consideranti patebit. Quare secundum est manifestum.

SCHOLIUM II.

Ex dictis ergo in superiori scholio, patet in prima, & secunda spirali, sectorem ad spatium servare hunc ordinem, ut sit ut quadratum maioris ducti x , ad rectangulum sub ductis, una cum tali parte quadrati differentie ductarum, quæ sit ad ipsum, ut numerus spiralis ad numerum binario auctum; nempe ad 1 , & ad dimidium, nempe ad $\frac{1}{2}$. Forsitan ergo quis posset cogitare talem proportionem sectoris ad spatium, servare hunc pulcherrimum ordinem, ut in tertia sit, ut quadratum OA , ad rectangulum OAC , cum $\frac{3}{4}$ quadrati OC . In quarta cum $\frac{7}{8}$ quadrati OC . Et sic in infinitum. Sed qui sic putaret nimis à scopo aberraret, sicuti patebit in numeris experienti in tertia spirali. Supponamus enim facilitatis gratia, OA , esse duplā AC . Quoniam cubus OA , esset 8 , & cubus CA , 1 : ergo differentia cuborum

OA ,



OA, AC , esset 7 . Cum ergo quadratum OA , sit 4 . Ergo factum sub quadrato OA , & sub differentia cuborum OA, AC , esset 28 . Pariter factum sub differentia quadratorum OA, AC , nempe sub 3 . & sub cubo CA , nempe sub 1 , esset 3 . Ergo sector esset ad spatium ut 28 . ad tria quinta 31 . nempe ad 18 . $\frac{2}{3}$ nempe, ut 4 . ad 2 . & $\frac{2}{3}$. Cum tamen quadratum OA , sit ad rectangulum OAC , cum $\frac{3}{4}$ quadrati OC , ut 4 . ad 2 . cum $\frac{3}{4}$ nempe cum $\frac{3}{4}$. Quare &c.

Sed proportio sectoris ad spatium prædictum potest alio modo, & compendiosius, patefieri. Quapropter sit.

PROPOSITIO XII.

Idem sector ad idem segmentum, erit ut idem antecedens

F 2 ad

ad tales partes differentia potestatum ductarum duplici gradu altiorum potestate spiralis, supra similem potestatem minoris, quæ se habeant ad totam dictam differentiam, ut numerus spiralis ad numerum spiralis binario auctum.

Eodem enim modo, quo supra factum fuit, ostendemus, circumferentiam DO , esse ad circumferentiam $DOGE$, ut differentia potestatum DA , AC , eiusdem gradus cum spirali, ad similem potestatem DA , seu OA . Cum autem sit, ut circumferentia DO , ad circumferentiam DOE , sic sector ADO , ad sectorem $ADOEA$; & pariter cum sit, ut prædicta differentia ad prædictam potestatem OA , sic factum ex dicta differentia in quadratum OA , ad potestatem OA , duplici gradu altiore potestate spiralis. Ergo sector DAO , erit ad sectorem $ADOEA$, ut factum sub dicta differentia potestatum OA , AC , eiusdem gradus cum spirali, in quadratum OA , ad potestatem OA , duplici gradu altiore potestate spiralis. At sector $ADOEA$, est ad spatium spirale $AXCDA$, ut numerus spiralis binario auctus, ad numerum, ex coroll. 2. proposit. 10. nempe ut potestas OA , duplici gradu altior potestate spiralis, ad tales partes sui, quæ se habeant ad ipsam, ut numerus ad numerum binario auctum. Ergo ex æquali, sector DAO , erit ad $AXCDA$, ut factum sub prædicta differentia in quadratum OA , ad dictas partes potestatis OA .

Rur-

Rursum, cum spatium spirale $AXCDA$, sit ad spatium $AXCA$, ut potestas DA , seu OA , duplici gradu altior potestate spiralis, ad similem potestatem CA , ex coroll. 4. proposit. 10. nempe ut tales partes talis potestatis OA , quæ se habeant ad ipsam, ut numerus spiralis ad numerum binario auctum, ad similes partes potestatis CA : erit per conversionem rationis, $AXCDA$, ad ACD , ut tales partes potestatis OA , ad excessum ipsarum supra similes partes potestatis CA . Quare rursum ex æquali, erit sector DAO , ad segmentum CAD , ut factum sub differentia potestatum OA , CA , eiusdem gradus cum spirali, in quadratum OA , ad tales partes differentia potestatum OA , AC , duplici gradu altiorum potestate spiralis, quæ se habeant ad totam differentiam, ut numerus spiralis, ad numerum binario auctum. Quod &c.

COROLLARIUM.

Ex hac proposit. & ex anteced. quamvis extra intentum, colligemus, differentiam potestatum OA , AC , cuiuslibet gradus, æqualem fore facto sub quadrato OA , in differentiam potestatum OA , AC , dupli gradu inferiorum, & facto sub differentia quadratorum OA , AC , in potestatem CA , itidem duplici gradu inferiorem. V.g. differentia quadratoquadratorum OA , AC , erit æqualis facto sub quadrato OA , & sub differentia quadratorum OA ,
 AC ,

AC , vna cum facto sub dicta differentia quadratorum OA, AC , in quadratum AC . Quod utique est manifestum. Nam ex prop. 11. sector OAD , est ad spatium CAD , vt factum sub quadrato OA , in differentiam potestatum OA, AC , eiusdem gradus cum spirali, ad sui talem partem, & facti sub differentia quadratorum OA, AC , & sub potestate AC , eiusdem gradus cum spirali, quæ se habeat ad hæc, vt numerus ad numerum binario auctum. Ex præsentis proposit. idem sector OAD , est ad idem spatium CAD , vt idem factum sub quadrato OA , in differentiam potestatum OA, AC , eiusdem gradus cum spirali ad talem partem differentie potestatum OA, AC , duplici gradu altiorum potestate spirali, quæ se habeat ad dictam differentiam, vt numerus ad numerum binario auctum. Ergo ambæ consequentia harum proportionum erunt æqualia. Cumque sint similes partes illarum magnitudinum cuius sunt partes: etiam integræ magnitudines erunt æquales. Differentia ergo potestatum OA, AC , dupli gradu altiorum gradu spiralis, erit equalis facto sub quadrato OA , in differentiam potestatum OA, AC , eiusdem gradus cum spirali, vna cum facto sub differentia quadratorum OA, AC , in potestatem CA , eiusdem gradus cum spirali. Quod utique illud idem est, quod supra dictum fuit.

SCHOLIUM.

Sed sicuti in schol. prim. proposit. anteced. de-
pref-

pressi fuerunt termini proportionis dictæ primæ, & secundæ spiralis ad terminos inferiores, sic licebit ipsos in præsentis deprimere, & compendiosiores rationes assignare, vt ibidem factum fuit. An verò necesse sit in alijs spirales altiorum graduum retinere proportionem illarum potestatum, adeo vt nullatenus liceat ipsas deprimere, non videtur affirmandum. Sed quomodo possint deprimi, videat lector proprio Marte. Saltem enim ex doctrinis Francisci Vietæ explicatis in notibus prioribus ad Logisticen Speciosam à proposit. 14. infra, colliget posse dictas proportionem deprimi vno gradu. Colligitur enim ex ibidem ab ipso ostensis. Consectarium suum vniuersale, quod habet post proposit. 24. *Quod Differentia potestatum si adplicetur ad differentiam laterum orientur singularia homogenea quibus constat potestas gradus proxime inferioris ad gregati ipsorum laterum, semel sumpta. Et è contra. V. g. si cubus OA , minus cubo AC , adplicetur ad OC , differentiam laterum OA, AC , orientur quadratum OA , rectangulum OAC , & quadratum AC , simul, & semel sumpta; quæ plana sunt omnia singularia plana potestatis vnus gradus inferioris, nempe quadrati, adgregati laterum OA, AC . Et sic in alijs potestatibus. Cum ergo proportio sectoris OAD , ad spatium CAD , sit eadem cum ratione facti sub quadrato OA , in differentiam potestatum OA, AC , eiusdem gradus cum spirali, ad partes explicatas differentie potestatum OA, AC , duplici gradu altiorum potestate spiralis: patet
ambos*

ambos terminos huius proportionis posse adplicari ad OC , differentiam laterum. Sed hæc omnia melius percipientur exemplificando in tertia spirali. In hac sector OAD , est ad spatium CAD , vt factum sub quadrato OA , in differentiam cuborum OA , AC , ad $\frac{3}{2}$ differentia quadrato cuborum OA , AC . Si adplicetur ad OC , differentiam laterum differentia cuborum OA , AC ; orietur summa planorum singulariter, quibus constat quadratum adgregati laterum OA , CA , simul sumptorum; nempe quadratum OA , rectangulum OAC , & quadratum AC .


Si verò adplicetur ad eandem OC , differentia quadrato cuborum OA , AC ; orietur summa planorum singulariter, quibus constat quadrato quadratum laterum adgregati OA , AC , simul sumptorum, nempe.

Quadratoquadratum OA . Plus cubus OA , in AC . Plus quadratum OA , in quadratum AC . Plus OA , in cubum AC . Plus quadratoquadratum AC .

Ergo in spirali cubica erit sector OAD , ad spatium spirale CAD , vt quadratoquadratum OA . Plus cubus OA , in AC . Plus quadratum OA , in quadratum CA . ad $\frac{3}{2}$ planoplanorum supra enumeratorum.

Ex quibus videtur posse deduci aliam regulam generalem assignandi rationem sectoris OAD , in quacunque spirali, ad spatium spirale CAD . Et hæc

est,



erit, quod sit vt factum sub quadrato OA , in omnes singulares partes potestatis adgregati OA , AC , vno gradu inferioris potestate spiralis, ad omnium singularium partium potestatis adgregati tales partes OA , AC , vno gradu superioris potestate spiralis, quæ se habeant ad ipsas, vt numerus spiralis ad numerum binario auctum. Sed hæc, & similia compendia, vt diximus, lector proprijs adinueniet viribus, si operibus Analystarum aliquando incubuerit. Quamplures etenim adinueniuntur, qui egregiè, & cum summa laude in hac materia scripsere; sed omnibus Colophonem imponet Excellentissimus Geometra Carolus Rinaldinus Serenissimi Magni Principis Etruriæ Mathematicus in quodam magno opere, quod iam exantlauit, quodque in posterum, immo quam primum, typis committet. Quamplurima enim vir ille egregius tum philosophica, tum ma-


G the-

thematica molitus est: sed inter hæc extat opus algebricum absolutissimum; in quo præter omnes Analysis partes, concinnauit etiam librum non paruum, in quo in amplitudinem artis soluta fuere plus quam 300. problemata.

PROPOSITIO XIII.

Si in spatio anteced. proposit. semidiametro minori linea, inscribatur sector ACM. Erit COD, trilineum excessus sectoris maioris supra spatium, ad MD, trilineum excessum spatij supra sectorem minorem, ut excessus facti sub differentia potestatum OA, CA, eiusdem gradus cum spirali in quadratum OA, supra tales partes differentie potestatum OA, CA, duplici gradu altiorum potestate spiralis, quæ se habeant ad dictam differentiam, ut numerus spiralis ad eundem numerum binario auctum, ad excessum prædicta un partium differentie potestatum OA, CA, duplici gradu altiorum potestate spiralis, supra factum sub differentia potestatum OA, CA, eiusdem gradus cum spirali, in quadratum CA.

V. G. in spirali lineari, erit trilineum ODC, ad trilineum CDM, ut excessus facti sub OC, in quadratum OA, supra tertiam partem differentie cuborum OA, AC, ad excessum talis tertie partis huius differentie, supra factum sub OC, in quadratum CA. In quadratica, ut excessus facti sub differentia quadratorum OA, CA, in quadratum



tum OA, supra differentie quadratoquadratorum OA, CA, ad excessum harum supra factum sub differentia quadratorum OA, AC, in quadratum CA. Et sic in cæteris in infinitum.

Quoniam enim sector ODA, est ad segmentum CAD, ex proposit. anteced. ut factum sub differentia potestatum OA, CA, eiusdem gradus cum spirali, & sub quadrato OA, ad talem partem differentie potestatum OA, CA, duplici gradu altiorum potestate spiralis, quæ se habeat ad ipsam differentiam, ut numerus spiralis ad numerum binario auctum: ergo & diuidendo, trilineum ODC, erit ad segmentum CAD, ut excessus antecedentis predicti supra dictum consequens, ad ipsum. At, quoniam sector ODA, est ad sectorem CAM, ut quadratum OA, ad quadratum CA; nempe ut factum sub quadrato OA, in differentiam potesta-

tum OA , CA , eiusdem gradus cum spirali, ad factum sub tali differentia, & sub quadrato CA . Ergo & segmentum CAD , erit ad sectorem CAM , ut partes differentiarum potestatum OA , CA , duplici gradu altiorum potestate spiralis, quæ se habeant ad ipsam, ut numerus spiralis ad numerum binario auctum, ad factum sub differentia potestatum OA , CA , eiusdem gradus cum spirali, & sub quadrato CA . Quare & diuidendo, erit trilineum CDM , ad sectorem CAM , ut excessus huius secundi antecedentis, supra tale secundum consequens, ad ipsum consequens. Ergo facile concludemus ex æquali, esse ODC , ad CDM , ut excessus primi antecedentis prædicti supra primum consequens, ad excessum secundi antecedentis supra secundum consequens. Quod &c.

SCHOLIUM.

Sed quoniam in superioribus in duabus primis spiralibus compendiosius ostensa est ratio sectoris OAD , ad spatium CAD , compendiosius etiam ostendemus in prima spirali, esse ODC , ad CDM , ut CA , cum $\frac{1}{2} OC$, ad CA , cum $\frac{1}{2} OC$. Quod sic patebit. Quia cum probatum sit in schol. 2. proposit. 11. sectorem OAD , esse ad segmentum CAD , ut quadratum OA , ad rectangulum OAC , cum $\frac{1}{2}$ quadrati OC . Ergo diuidendo, erit ODC , ad CAD , ut rectangulum OCA , cum $\frac{1}{2}$ qua-

quadrati OC , ad rectangulum OAC , cum $\frac{1}{2}$ quadrati OC (illis enim planis quadratum OA , excedit rectangulum OAC , cum $\frac{1}{2}$ quadrati OC .) Pariter, cum sector ODA , sit ad sectorem CAM , ut quadratum OA , ad quadratum CA . Ergo & spatium CAD , erit ad sectorem CAM , ut rectangulum OAC , cum $\frac{1}{2}$ quadrati OC , ad quadratum CA . Et diuidendo, erit CDM , ad CAM , ut rectangulum OCA , cum $\frac{1}{2}$ quadrati CO , ad quadratum CA . Facile ergo concludetur, ODC , esse ad CDM , ut rectangulum OCA , cum $\frac{1}{2}$ quadrati OC , nempe cum rectangulo sum OC , & sub $\frac{1}{2} OC$, ad rectangulum OCA , cum $\frac{1}{2}$ quadrati OC , nempe cum rectangulo sub OC , & sub $\frac{1}{2} OC$. Cum ergo omnia hæc rectangula habeant commune latus OC , erit ODC , ad CDM , ut CA , cum $\frac{1}{2} OC$, ad CA , cum $\frac{1}{2} OC$.


In secunda autem spirali ostendemus eodem modo, ODC , & CDM , æqualia esse. Quare sequitur CD , portionem spiralis quadraticæ esse veluti dime-tientem fasciæ $ODMC$. Quod sic patebit. Quia cum in schol. citat. ostensum fuerit, sectorem esse ad spatium, ut quadratum OA , ad rectangulum OAC , cum $\frac{1}{2}$ quadrati CO . Ergo diuidendo, ODC , erit ad CAD , ut rectangulum OCA , cum dimidio quadrati OC , ad rectangulum OAC , cum dimidio quadrati OC . Sed pariter probabimus diuidendo, CDM , esse ad CAM , ut rectangulum OCA , cum dimidio quadrati OC , ad quadratum CA . Vnde facile

facile concludemus, ODC, esse ad CDM, vt re-
ctangulum OCA, cum $\frac{1}{2}$ quadrati OC, ad rectan-
gulum OCA, cum $\frac{1}{2}$ quadrati OC; nempe vt æqua-
le, ad æquale. Quod &c. Sed etiam in alijs spirali-
bus poterit prædicta ratio aequaliter deprimi. Sed
videat lector modum depressionis.

PROPOSITIO XIV.

*Si cuiilibet trilineo à primo, secto vt in proposit. 5. sit circum-
scriptum triangulum. Erit triangulum pars totius, cu-
ius latus non est diameter trilinei, ad portionem excessus
ipsius supra portionem trilinei à se comprehensam, vt fa-
ctum sub excessu potestatis diametri trilinei vno gradu
inferioris potestate trilinei, supra similem potestatem dia-
metri trilinei ad verticem, in quadratum diametri trili-
nei, ad tales partes excessus potestatis diametri trilinei
vno gradu altioris potestate trilinei supra similem potesta-
tem trilinei ad verticem, qua ad talem excessum se ha-
beant vt numerus trilinei vnitae minutus, ad nume-
rum curvitate auctum.*


Hæc proposit. est 24. lib. prim. de Infinit. Pa-
rab. In schemate ergo proposit. 5. ducatur
CB. Dico triangulum CBD, esse ad spatium
CBEC, comprehensum à rectis CB, BE, & à
curua CE, vt factum sub excessu potestatis AB,
vno gradu inferioris potestate trilinei, supra similem
potestatem BF, in quadratum BA, ad tales partes
exces-



excessus potestatis AB, vno gradu superioris pote-
state trilinei, supra similem potestatem BF, quæ se
habeant ad talem excessum, vt numerus trilinei vni-
tate minutus ad numerum trilinei vnitae auctum.
V. g. in trilineo quadratico, erit vt factum sub FA,
in quadratum BA, ad tertiam partem excessus cubi
BA, supra cubum BF. In cubico, vt factum sub
excessu quadrati BA, supra quadratum BF, in
quadratum BA, ad $\frac{2}{3}$ excessus quadratoquadrati
AB, supra quadratoquadratum BF. In quadrato-
quadratico, vt factum sub excessu cubi AB, supra
cubum BF, in quadratum BA, ad $\frac{3}{4}$ excessus
quadratoquadrati AB, supra quadratoquadratum BF. Et
sic in infinitum.

Quoniam enim ex proposit. 5. est CA, ad AD,
nem-

nempe triangulum CBA , ad triangulum DBA ,
 vt potestas AB , vno gradu inferior potestate trili-
 nei, ad similem potestatem BF . Ergo per conuer-
 sionem rationis, & conuertendo, erit triangulum
 CBD , ad triangulum CBA , vt excessus potestatis
 AB , vno gradu inferioris potestate trilinei, supra si-
 milem potestatem BF , ad potestatem BA . Et
 ducendo hos terminos in quadratum BA , erit
 CBD , ad CBA , vt factum sub excessu potestatis
 AB , vno gradu inferioris potestate trilinei supra si-
 milem potestatem BF , in quadratum BA , ad fa-
 ctum sub potestate BA , vno gradu inferiore pote-
 state trilinei in quadratum BA ; nempe ad potesta-
 tem BA , vno gradu superiorem potestate trilinei.
 At triangulum CBA , est ad excessum ipsius supra
 trilineum, nempe ad spatium contentum à recta, &
 curua CB , vt numerus trilinei vnitae auctus ad
 numerum trilinei vnitae minutus, ex schol. 1. pro-
 posit. 1. lib. 1. de Infinit. Parab. nempe vt potestas
 AB , vno gradu superior potestate trilinei ad tales
 sui partes, quæ se habeant ad ipsam, vt numerus tri-
 linei vnitae minutus, ad numerum trilinei vnitae
 auctum. Ergo ex æquali, erit triangulum CBD ,
 ad spatium contentum à recta, & curua CB , vt fa-
 ctum sub excessu potestatis AB , vno gradu inferior-
 is potestate trilinei supra similem potestatem BF ,
 in quadratum BA , ad tales partes potestatis AB ,
 vno gradu superioris potestate trilinei, quæ se ha-
 beant ad ipsam, vt numerus trilinei vnitae minu-
 tus,




tus, ad numerum trilinei vnitae auctum. Rur-
 sum, spatium comprehensum à recta, & curua CB ,
 est ad spatium comprehensum à recta, & curua BE ,
 vt potestas AB , vno gradu superior potestate trili-
 nei, ad similem potestatem BF , ex schol. 1. propo-
 sit. 3. lib. 1. nempe vt tales partes predictæ potesta-
 tis AB , quæ se habeant ad ipsam, vt numerus trili-
 nei vnitae minutus, ad numerum trilinei vnitae
 auctum, ad similes partes potestatis BF . Ergo per
 conuerisionem rationis, erit spatium comprehensum
 à recta, & curua CB , ad excessum ipsius supra spa-
 tium comprehensum à recta, & curua BE , vt tales
 partes potestatis AB , vno gradu altioris potestate
 trilinei, quæ se habeant ad ipsam potestatem AB ,
 vt numerus trilinei vnitae minutus, ad numerum tri-
 linei

linei unitate auctum, ad excessum ipsarum supra similes partes similis potestatis BF. Ergo rursus ex æquali, erit triangulum CBD, ad spatium comprehensum à rectis CB, BE, & à curua CE, ut factum sub excessu potestatis AB, vno gradu depresso-rioris potestate trilinei supra similem potestatem BF, in quadratum BA, ad excessum talium partium potestatis AB, vno gradu altioris potestate trilinei, quæ se habeant ad ipsam, ut numerus trilinei unitate minutus, ad numerum trilinei unitate auctum, supra similes partes potestatis similis BF; nempe ad tale partem excessus potestatis prædictæ AB, supra similem potestatem BF, quæ se habeant ad ipsum excessum, ut numerus trilinei unitate minutus, ad numerum trilinei unitate auctum. Quod ostendere oportebat.

SCHOLIUM.

Recolenti autem superius ostensa in proposit. 11. & 12. & in scholijs earundem, fiet manifestum, quod si AB, in hac proposit. æquetur DA, in schemat. illarum proposit. & BF, in hac ipsi CA, in illis, fiet inquam manifestum, triangulum CBD, in hac, ad spatium comprehensum à rectis CB, BE, & à curua FC, esse ut sector OAD, in illis, ad spatium helicum CAD: & per conuersionem rationis. Nam, in hac ostenditur esse triangulum, ad spatium, ut factum sub quadrato AB, in differen-

tiam



tiam potestatum AB, BF, vno gradu depresso-rioris potestate trilinei (nempe eiusdem gradus cum spirali, quia semper potestas trilinei supponitur vno gradu altior potestate spiralis) ad tales partes differentiarum potestatum AB, BF, vno gradu altiorum potestate trilinei (nempe duplici gradu altiorum potestate spiralis) quæ se habeant ad ipsam, ut numerus trilinei unitate minutus (nempe ut numerus spiralis) ad numerum trilinei unitate auctum (nempe ad numerum spiralis binario auctum.) Quæ ratio est eadem, quæ assignatur in proposit. 12. ut consideranti fiet manifestum.


Ex his ergo habemus, quod nuncomnia verificabuntur, quæ vera erant in illis proposit. & in schol. earundem. Ergo ex schol. proposit. 11. deduce-

mus, esse triangulum CBD , ad spatium comprehensum à rectis CB , BE , & à curva CE , in trilineo quadratico, ut quadratum AB , ad rectangulum ABF , cum $\frac{1}{2}$ quadrati AF . In trilineo cubico, ut quadratum AB , ad rectangulum ABF , cum $\frac{2}{3}$ quadrati AF . Ex schol. autem proposit. 12. deducemus, proportionem trianguli ad spatium posse reduci ad depressiores potestates, & ideo posse alijs terminis pronunciari, ut ibidem factum fuit, sic. Triangulum ad spatium erit, ut factum sub quadrato AB , in omnes singulares partes potestatis adgregati AB , BF , duplaci gradu inferioris potestate trilinei, ad tales partes omnium singularium partium potestatis adgregati AB , BF , eiusdem gradus cum trilineo, quæ se habeant ad ipsas, ut numerus trilinei unitate minutus, ad numerum unitate auctum.

PROPOSITIO XV.

In schem. proposit. anteced. ducta HO , parallela DA .
Erit CA , ad HO , ut potestas AB , eiusdem gradus cum trilineo, ad factum sub OB , in potestatem BF , uno gradu inferiorem potestate trilinei.

Paret, quia ratio CA , ad HO , componitur ex rationibus CA , ad AD , & AD , ad HO . Sed ut CA , ad AD , sic ex proposit. 5. potestas AB , uno gradu inferior potestate trilinei, ad similem potestatem BF . Et ut DA , ad HO , sic
AB,



AB , ad BO . Ergo ratio CA , ad HO , erit composita ex prædictis rationibus. Ast ex illis componitur etiam ratio potestatis AB , eiusdem cum trilineo gradus, ad factum sub OB , in potestatem BF , uno gradu inferiorem potestate trilinei. Quare patet propositum.

PROPOSITIO XVI.

In schem. proposit. anteced. si OH , parallela CA , occurrat curvæ in G . Erit CD , ad GH , ut factum sub AB , & sub differentia potestatum AB , BF , uno gradu depressiorum potestate trilinei, ad factum sub OB , & sub differentia potestatum OB , BF , itidem uno gradu depressiorum potestate trilinei.

PRO-

Quoniam enim ex proposit. 5. est CA , ad AD , ut potestas AB , vno gradu inferior potestate trilinei, ad similem potestatem BF ; ergo per conuersionem rationis, & conuertendo, erit CD , ad CA , ut differentia potestatum AB , BF , vno gradu depressiorum potestate trilinei, ad similem potestatem AB ; nempe ducendo hæc in AB , ut factum sub AB , in dictam differentiam, ad potestatem AB , eiusdem gradus cum trilineo. Sed quoniam ex natura trilinei, est CA , ad GO , ut potestas AB , eiusdem gradus cum trilineo, ad similem potestatem BO : & est CA , ad HO , ex proposit. anteced. ut potestas AB , eiusdem gradus cum trilineo, ad factum sub AB , in potestatem BF , vno gradu inferiorem potestate trilinei. Ergo erit CA , ad GH , ut potestas AB , eiusdem gradus cum trilineo, ad factum sub OB , & sub differentia potestatum OB , BF , vno gradu depressiorum potestate trilinei. Sed supra probata fuit CD , ad CA , ut factum sub AB , & sub differentia potestatum AB , BF , vno gradu depressiorum potestate trilinei, ad potestatem AB , eiusdem gradus cum trilineo. Quare ex æquali, erit CD , ad GH , ut factum sub BA , in differentiam potestatum AB , BF , vno gradu depressiorum potestate trilinei, ad factum sub OB , in differentiam similibus potestatum OB , BF . Quod erat ostendendum.


PRO-

PROPOSITIO XVII.


Excessus circuli circumscripti spatio spirali cuiuscunque generis, & ex quacunque reuolutione supra ipsum spatium, est æqualis in schem. proposit. anteced. trilineo mixto CED , trilinei vno gradu altioris potestate spatij, comprehenso à curua CGE , & à rectis CD , DE : dummodo AB , æquetur semidiametro circuli; BF , semidiametro circuli unitate minoris, & CA , tot circumferentijs maioris circuli, quotus est numerus reuolutionum spatij.

Esto $GMSIBG$, spatium spirale cuiuscunque generis, & ortum ex quacunque reuolutione, & $FDCB$, sit circulus ipsi circumscriptus; sit etiam circulus radij AG , ipso unitate minor: v. g. si circulus radij AB , sit circumscriptus secundo spatio, sit circulus radij AG , primi spatij: si ille sit circulus tertij spatij, sit hic secundi: &c. item sit trilineum proposit. anteced. $CEBA$, vno gradu altius gradu spatij spiralis; sitque AB , in trilineo æqualis AB , semidiametro circuli maioris, & BF , in trilineo æqualis semidiametro AG , circuli minoris: pariter sit CA , in trilineo æqualis tot peripherijs $FDCB$, quotus est numerus spatij $GMSIBG$: v. g. si spatium sit ex secunda reuolutione, duabus: si tertia, tribus: & sic semper. Dico, excessum circuli radij AB , supra dictum spatium, æqualem fore trilineo $CGED$.

Quo-





Quoniam enim in spirali circulus radij AG , est unitate minor circulo radij AB . Ergo ex natura infinitarum spiraliū initio expncata diuisa potestate AB , eiusdem gradus cum spirali in tot partes quotus est numerus reuolutionum, potestas AG , eiusdem gradus cum spirali continebit ipsas, vna excepta, adeo vt differentia potestatum BA , AG , sit vnica talium partium. Cum vero etiam in trilineo, AB , sit aqualiter secta in F , sicuti illa in G : etiam differentia potestatum AB , BF , eiusdem gradus cum spirali, & gradus unitate minoris potestate trilinei, continebit talium partium vnica partem. Sed quoniam ex proposit. 5. est CA , ad AD , vt potestas AB , vno gradu inferior potestate trilinei, ad
fimi-



similem potestatem BF . Ergo per conuersionem rationis, erit CA , ad CD , vt potestas dicta AB , ad differentiam potestatum AB , BF . Sed CA , æquatur tot circumferentijs $FDCB$, quotus est numerus reuolutionum & differentia potestatum AB , BF , vno gradu depressiorum potestate trilinei continet vnica partem potestatis similis AB , diuisæ in tot partes quotus est numerus reuolutionum. Ergo CD , erit æqualis vni circumferentiæ $FDCB$. Sed etiam BA , diameter trilinei æquatur radio AB circuli. Ergo triangulum CBQ , in trilineo, erit æquale circulo radij AB . Quæ seruentur.

Tunc in GB , in spirali accipiatur quodlibet punctum E , & centro A , interuallo AE , describatur circuli peripheria EM , occurrens spirali in M ; & facta in trilineo FO , æquali GE , ducatur OHG ,
I paral-




parallela CA. Quoniam in spirali, ex proposit. 4. est peripheria FDCB, ad peripheriam EM, ut factum sub AB, in differentiam potestatum BA, AG, eiusdem gradus cum spirali, ad factum sub EA, in differentiam similium potestatum EA, AG: & pariter in trilineo, ex proposit. anteced. est CD, ad GH, ut factum sub AB, in differentiam potestatum AB, BF, vno gradu depressiorum potestate trilinei, (nempe eiusdem gradus cum spirali) ad factum sub OB, in differentiam similium potestatum OB, BF. Ergo, ut in spirali circumferentia FDCB, ad circumferentiam EM, sic in trilineo, CD, ad GH. Et permutando, ut FDCB, ad CD, sic EM, ad GH. Sed circumferentia FDCB, probata fuit æqualis rectæ CD. Ergo &

circumferentia EM, erit æqualis ipsi GH. Sed FA, in trilineo est æqualis GB, in spirali, & puncta E, O, accepta fuerunt arbitrariè, & inuenta fuit æqualitas. Ergo omnes circumferentiæ excessus circuli radij AB, supra spatium spirale concentricæ ipsi FDCB, æquales erunt omnibus lineis trilinei CGED, parallelis ipsi CD. Ergo excessus prædictus erit æqualis trilineo mixto CGED. Quod erat ostendendum.

SCHOLIUM I.

Qui parui pendet indivisibilia, & gratulatur excruciaci in methodo archimedea, ipsam experiatur, nam eandem veritatem deducet. Attentè etiam consideret, quod probatum fuit de totis, probari quo-



quoque posse de partibus proportionalibus. Non enim tantum totus excessus æquabitur toto trilineo CGED. Sed etiam pars clausa peripheria BCDFB, spirali BISM, peripheria ME, & recta EB, erit æqualis quadrilatero CGHD. Item reliqua pars GMEG, æqualis trilineo EGH. Idem dicatur de cæteris partibus proportionalibus.

SCHOLIUM II.

Ergo per conuersionem rationis, erit circulus ad ipsum spirale spatium, ut triangulum CBD, ad spatium comprehensum rectis CB, BE, & curua CGE.
Cum

Cum verò ex proposit. 14. sit triangulum CBD, ad illud spatium, ut factum sub differentia potestatum AB, BF, vno gradu depressiorum potestate trilinei (nempe eiusdem gradus cum spirali) in quadratum BA, ad tales partes differentie potestatum AB, BF, vno gradu superiorum potestate trilinei (nempe duplici gradu superiorum potestate spiralis,) quæ se habeant ad ipsam, ut numerus trilinei unitate minutus (nempe ut numerus gradus spiralis) ad numerum trilinei unitate auctum (nempe ad numerum gradus spiralis binario auctum.) Ergo etiam circulus radij AB, erit ad spatium spirale GMSIBG, ut factum sub differentia potestatum BA, AG, eiusdem gradus cum spirali, in quadratum BA, ad tales partes differentie potestatum BA, AG, duplici gradu altiorum potestate spiralis, quæ se habeant ad ipsam differentiam, ut numerus gradus spiralis ad ipsam binario auctum.

SCHOLIUM III.

Immo ex schol. citat. proposit. 14. poterimus alias compendiosiores rationes assignare. Nam in spirali lineari deducemus, esse circulum ad spatium, ut quadratum BA, ad rectangulum BAG, cum $\frac{1}{2}$ quadrati BG. In quadratica, ut idem quadratum BA, ad idem rectangulum BAG, cum $\frac{1}{2}$ quadrati GB. Et vniuersaliter deducemus, esse circulum ad spatium, ut factum sub quadrato AB, in omnes singulares



lares partes potestatis adgregati AB, AG, vnius gradus inferioris, gradus spiralis, ad tales partes omnium singularium partium potestatis adgregati AB, AG, vno gradu altioris potestate spiralis, quæ se habeant ad ipsas, vt numerus gradus spiralis, ad numerum binario auctum.

PROPOSITIO XVIII.

Omnia spatia spiralia successiue inscripta in quibuslibet circulis simul sumpta, sunt ad tot circulos maiores quotus est numerus reuolutionum, vt numerus gradus spiralis ad numerum binario auctum.

Sint quælibet spatia spiralia AGH, HRPM, MNLSB, inscripta in circulis radiorum AH, AM, AB. Dico omnia illa spatia simul sumpta esse ad tot circulos radij AB, quotus est numerus reuolutionum (nempe in nostro casu ad tres) vt numerus gradus spiralis, ad numerum binario auctum. Nempe in prim. vt 1. ad 3. In secund. vt 2. ad 4. vt 3. ad 5. &c.

Sit etiam triangulum QEZ, cum sibi inscripto trilineo parabolico QEZ, gradus congruentis gradui spiralis; sitque talis indolis, vt ZE, YE, ET, sint æquales AB, AM, AH; & QZ, sit æqualis tot peripherijs BFDC, quotus est numerus reuolutionum. Ergo ex proposit. anteced. spatium contentum re-
ctis QE, EX, & curua QX, erit æquale spatio spi-
rali





rali MNZLSBM. Eodem modo patebit spatium XEIX, æquale esse spatio HRPOMH: & IEI, a quale esse spatio AGH. Ergo totus excessus trianguli QEZ, supra trilineum, erit æqualis omnibus spatijs spiralibus simul sumptis. Sed etiam triangulum QEZ, est æquale tot circulis radij AB, quotus est numerus reuolutionum. Ergo excessus trianguli QEZ, supra trilineum erit ad ipsum triangulum, vt omnia spatia spiralia ad tot circulos radij AB, quotus est numerus reuolutionum. Nempe ex conuerso coroll. proposit. 9. vt numerus gradus spiralis, ad numerum binario auctum. Nempe vt spatium spirale inscriptum in primo circulo, ad ipsum. Quod &c.

PROPOSITIO XIX.

In schematibus prop. 17. excessus spatij spiralis GMSIBG, supra circulum radij AG, est æqualis in trilineo spatio comprehenso à rectis CK, KE, & à curva CGE.

Cum enim probatum sit in proposit. 17. triangulum CBD, æquale fore circulo radij AB: & cum AB, BF, sint a quales semidiametris BA, AG; facile probabimus, etiam triangulum kBE, æquale fore circulo radij AG. Sed totum spatium CBEGC, ostensum fuit æquale toti spatio spirali. Ergo etiam spatium CkEGC, erit æquale reliquo spatij spiralis dempto ab eo circulo radij AG. Quod &c.

PRO





K PRO

PROPOSITIO XX.

In Diagrammatismis proposit. anteced. si in spirali accepto
 ubilibet puncto *M*, & ducta *AM*, centro *A*, inter-
 uallo *AM*, describatur peripheria *EM*. Sector *AME*,
 erit ad spatium spirale *AMGA*, quod comprehendit, ut
 factum sub quadrato *EA*, in differentiam potestatum
EA, *AG*, eiusdem gradus cum spirali, ad tales partes
 differentie potestatum *EA*, *AG*, duplici gradu altio-
 rum potestate spiralis, quae se habeant ad ipsam, ut nume-
 rus spiralis, ad numerum binario auctum.

NAM in trilineo, supposita *BO*, aequali *AE*,
 & *FO*, equali *GE*, iam ex schol. pri. prop. 17.
 patet, trilineum *GEH*, in trilineo aequale esse ex-
 cessui *GMEG*, & *GH*, aequalem fore circum-
 ferentiae *FM*. Cum ergo etiam radius *AE*, sit
 aequalis *BO*, altitudini trianguli *GBH*, (du-
 cta prius recta *BG*) Ergo triangulum *BGH*, erit
 aequale sectori *AEM*: & erit ad trilineum *GEH*,
 ut sector *MAE*, ad excessum ipsius supra spatium:
 nempe ad *GMEG*. Ergo & per conversionem ra-
 tionis, erit sector ad spatium *AMG*, a se comprehen-
 sum, ut triangulum *GBH*, ad spatium *GBLG*.
 Sed ex proposit. 14. triangulum est ad illud spatium
 in assignata ratione. Quare patet propositum.



SCHOLIUM.

Etiam ergo in præfenti propositione licebit colligere ea omnia, quæ supra varijs vicibus fuerunt collecta. Nimirum in spirali lineari, esse sectorem ad spatium, ut quadratum EA , ad rectangulum EAG , cum $\frac{1}{2}$ quadrati EG . In quadratica, ut quadratum EA , ad rectangulum EAG , cum $\frac{1}{2}$ quadrati GE . Et universaliter, esse sectorem ad spatium, ut factum sub quadrato EA , in omnes singulares partes adgregati potestatis EA , AG , vnus gradus inferioris potestate spiralis, ad tales partes omnium singularium partium potestatis adgregati EA , AG , vno gradus superioris potestate spiralis, quæ se habeant ad ipsas, ut numerus spiralis, ad numerum binario auctum.

PROPOSITIO XXI.

Si in schematibus proposit. anteced. AB , BF , in trilineo sint æquales KA , AG , in spirali; & circumferentia $IRNk$, sit æqualis CD , in trilineo, item circumferentiam IR , lineæ CI , in trilineo, & DA , in trilineo æqualis tot integris circumferentijs radij Ak , quotus est numerus reuolutionum unitate minor. Trilineum CGI , in trilineo, erit æquale trilineo RIS , in spirali, quod est excessus sectoris RAI circumscripti spatio SAI , supra ipsum.

Etenim

ETenim, cum CI , linea in trilineo sit æqualis circumferentiæ IR , in spirali, & AB , in trilineo æqualis semidiametro KA , seu RA , in spirali: triangulum CBI , erit æquale sectori RAI . Tunc in RS , accipiatur quodlibet punctum z , & describatur circumferentia $z3$, semidiametro Az , occurrens spirali in 3 ; & facta in trilineo BQ , æquali Az , sit $MNPQ$, parallela CA . Ad modum dictorum in proposit. 17. deducemus, MNP , in trilineo æqualem fore circumferentiæ 3245 , in spirali. Cum verò etiam NP , in trilineo sit æqualis circumferentiæ 245 , in spirali (quia ex hypothesi, ID , est æqualis circumferentiæ RNk .) Ergo MN , in trilineo, erit æqualis circumferentiæ 23 , in spirali. Quia verò RS , est æqualis OA ; experitis in methodo indiuisibilium patebit, omnes circumferentias trilinei RIS , in spirali concentricas circumferentiæ RI , æquales fore omnibus lineis trilinei CGI , parallelis CI . Ac pròinde trilineum ipsum RIS , æquale fore trilineo CGI . Quod &c.

SCHOLIUM.

Cum verò supra probatum sit, triangulum CBI , æquale esse sectori RAI ; ergo triangulum BCI , erit ad trilineum CGI , ut sector RAI , ad trilineum RIS . Quare per conuersionem rationis, erit sector ad spatium SAI , quod includit, ut triangu-

lum.

lum CBI , ad spatium $CBGC$. Cum ergo exproposit. 14. sit triangulum CBI , ad spatium, ut factum sub quadrato AB , in differentiam potestatum AB , BO , vnius gradus inferioris potestate trilinei (nempe eiusdem gradus cum spirali) ad differentiam potestatum AB , BO , vnius gradus superioris potestate trilinei (nempe duplici gradu altiorum potestate spiralis;) sic etiam erit sector RAI , ad spatium spirale. Nempe erit ad ipsum, ut factum sub quadrato RA , in differentiam potestatum RA , AS , eiusdem gradus cum spirali, ad differentiam potestatum RA , AS , duplici gradu altiorum potestate spiralis.

Cum ergo proportio reperta inter sectorem, & spatium, sit similis aliquo modo supra repertis, patebit omnia compendia varijs vicibus supra explicata, posse etiam assignari in presenti. Verum ergo erit etiam in presenti, quod in spirali lineari, erit sector ad spatium, ut quadratum RA , ad rectangulum RAS , cum $\frac{1}{2}$ quadrati RS . Item in spirali quadratica, erit sector ad spatium, ut quadratum RA , ad rectangulum RAS , cum $\frac{1}{2}$ quadrati RS . Pariter vniuersaliter poterimus pronunciare. Esse sectorem ad spatium, ut factum sub quadrato RA , in omnes singulares partes adgregati potestatis RA , AS , vnius gradus inferioris potestate spiralis, ad tales partes omnium singularium partium potestatis adgregati RA , AS , vno gradu superioris potestate spiralis, quæ se habeant ad ipsas, ut numerus spiralis, ad numerum binario auctum. PRO-

PROPOSITIO XXII.

Omnia spatia spiralia successiue inscripta in quibuslibet circulis simul sumpta, vna cum quolibet segmento spatij reuolutionis vnitatis maioris inscripto in sectore, sunt ad tot integros circulos sectoris quotus est numerus spatiorum integrorum, vna cum ipso sectore, ut numerus gradus spiralis ad numerum binario auctum.

IN schematibus proposit. anteced. supponamus circulum radij AG , esse circulum circumscriptum spatio spirali cuiuscumque reuolutionis, v. g. secundæ, ita ut intra ipsum intelligendus sit circulus primus circumscriptus spatio primæ reuolutionis: sit etiam circulus radij AB , circumscriptus spatio tertiæ reuolutionis: & centro A , interuallo quolibet AE , intelligatur sector MAE , circumscriptus MAG , segmento spatij tertiæ reuolutionis. Dico omnia spatia spiralia successiue (nempe in casu nostro primæ, & secundæ reuolutionis) vna cum segmento MAG , esse ad tot integros circulos radij AE , quotus est numerus spatiorum integrorum. (nempe in casu nostro ad duos) vna cum sectore MAE , ut numerus gradus spiralis, ad numerum binario auctum.


Supponamus enim trilineum sæpe dictum CBA , & C . esse talis indolis, ut AB , sit æqualis AE , in spirali, & BF , sit æqualis AG : item AD , sit æqualis

lis duabus circumferentijs radij AE , & CD , sit æqualis circumferentiæ EM . Facile patebit, triangulum CBD , æquale esse sectori MAE ; & totum triangulum CBA , æquale esse duobus circulis radij AE , & sectori MAE : item ex proposit. anteced. facile patebit, in trilineo trilineum mixtum $CGED$, æquale esse in spirali trilineo GME : & $CBE C$, in trilineo, æquale esse MAG , in sectori. Pariter ad modum proposit. 18. patebit, spatium EB , in trilineo æquale esse alijs duobus spatijs spiralibus inclusis intra circulum radij AG , & alium ipsi inclusum (licet enim schema non exprimet, facile hoc percipietur si consideremus circulum radij AG , in præsentigere vicem circuli radij AM , in dicta proposit. 18.) Quare manifeste patebit, duos circulos radij AE , vna cum sectore AME , esse ad primum, & secundum spatium spirale, vna cum segmento MAG , vt triangulum CBA , ad excessum ipsius supra trilineum. Ne tpe ex hæc dictis, vt numerus gradus spiralis binario aut s , ad numerum. Nempe vt circulus circumscriptus primo spatio ad ipsum. Quare conuertendo, patet propositum. Quid &c.

PROPOSITIO XXIII.

Si in spatio anteced. proposit. semidiametro minori linea inscribatur sector SAX . Erit RIS , trilineum, excessus sectoris maioris supra spatium, ad SIX , trilineum, excessum spatij supra minorem sectorem, vt excessus facti
sub

sub differentia potestatum RA , SA , eiusdem gradus cum spirali, in quadratum RA , supra tales partes differentie potestatum RA , SA , duplici gradu altiorum potestate spiralis, quæ se habeant ad dictam differentiam, vt numerus spiralis ad eundem numerum binario auctum, ad excessum prædictarum partium differentie potestatum RA , SA , duplici gradu altiorum potestate spiralis, supra factum sub differentia potestatum RA , SA , eiusdem gradus cum spirali, in quadratum SA .




Hæc demonstratio erit similis traditæ in proposit. 13. quæ ideo ex ipsa petenda est. Immo omnia compendia deducta in schol. eiusdem, poterimus deducere etiam in præsentis. Verum ergo
 L etiam

etiam erit nunc, esse in spirali lineari, RIS, ad SIX, ut RA, cum $\frac{1}{2}$ RS, ad SA, cum $\frac{1}{4}$ RS. Item in spirali quadratica, RIS, SIX, equalia esse. Et in alijs spirilibus poterimus forsitan reperire alia compendia, quæ lector poterit proprio Marte excogitare.

PROPOSITIO XXIV.


Primi circuli spatium helicum cuiuscunque gradus, ad spatium helicum secundi circuli, est ut factum sub tali parte quadrati radij primi circuli, quæ se habeat ad ipsum, ut numerus spiralis, ad numerum binario auctum, & sub differentia potestatum radiorum primi, & secundi circuli, eiusdem gradus cum spirali, ad tales partes differentie potestatum horum radiorum duplici gradu altiorum potestate spiralis, quæ se habeant ad ipsam, ut numerus spiralis ad numerum binario auctum. Spatium vero secundi circuli ad spatium tertium, est ut factum ex hoc secundo facto, & ex differentia potestatum radiorum tertij, & secundi circuli eiusdem gradus cum spirali, ad simile factum sub simili parte differentie potestatum radiorum secundi, & tertij circuli, duplici gradu altiorum potestate spiralis, & sub differentia radiorum primi, & secundi circuli eiusdem gradus cum spirali, & sic deinceps in reliquis.

Sit primum spatium helicum cuiuscunque gradus AGH, cum primo circulo radij AH: item



item secundum spatium HRPMH, cum secundo circulo radij AM: item tertium cum tertio circulo radij AB. Dico primum spatium AGH, esse ad secundum spatium HRPMH, ut factum sub tali parte quadrati AH, quæ se habeat ad ipsum, ut numerus spiralis, ad numerum binario auctum, & sub differentia potestatum MA, AH, eiusdem gradus cum spirali, ad talem partem differentie potestatum MA, AH, duplici gradu altiorum potestate

spiralis, quæ se habeant ad ipsam, vt numerus spiralis ad numerum binario auctum. Spatiu n secundum ad spatium tertium MNZLSBM, vt factum sub hoc secundo factum, & sub differentia potestatum BA, AM, eiusdem gradus cum spirali, ad factum sub simili parte differentie potestatum BA, AM, duplici gradus altiorum potestate spiralis, & sub differentia potestatum MA, AH, eiusdem gradus cum spirali. Et sic in infinitum. V. g. in spirali lineari erit primum spatium ad secundum, vt factum sub quadrato AH, in HM, ad differentie cubum AH, AM. Secundum vero spatium ad tertium erit, vt factum sub differentie cuborum AH, AM, & sub MB, ad factum sub differentie cuborum AM, AB, & sub HM. In spirali quadratica, erit primum spatium ad secundum, vt factum sub quadrato AH, in differentiam quadratorum AH, AM, ad differentie quadrato quadratorum AH, AM. Secundum spatium erit ad tertium, vt factum sub dicta parte differentie, & sub differentia quadratorum AB, AM, ad factum sub differentie quadrato quadratorum AM, AB; & sub differentia quadratorum MA, AH; & sic in alijs. Primum enim spatium AGH, ad secundum spatium HRPMH, habet rationem compositam ex ratione ipsius ad primum circulum radij AH; huius, ad secundum circulum radij AM; & huius, ad secundum spatium. Primum spatium ad primum circulum est, vt numerus gradus spiralis ad nume-



numerum binario auctum ex coroll. proposit. 9. nempe vt talis pars quadrati AH, quæ se habeat ad ipsum, vt numerus spiralis ad numerum binario auctum, ad ipsum quadratum AH. Circulus radij AH, ad circulum radij AM, est vt quadratum AH, ad quadratum radij AM. Circulus radij AM, est ad spatium secundum helicum, quod comprehendit, ex schol. 2. proposit. 17. vt factum sub quadrato AM, in differentiam potestatum MA, AH, eiusdem

dem gradus cum spirali, ad talem partem differentia potestatum MA , AH , duplici gradu altiorum potestate spiralis, quæ se habeat ad ipsam differentiam, ut numerus spiralis, ad numerum binario auctum. Ergo primum spatium helicum ad secundum habet rationem compositam ex omnibus his rationibus. Sed ex rationibus partis quadrati AH , quæ se habeat ad ipsum, ut numerus spiralis ad numerum binario auctum, ad quadratum AH , & huius ad quadratum AM , componitur ratio prædictæ partis quadrati AH , ad quadratum AM . Ergo ratio primi spatij ad secundum, erit tantum composita ex ratione dictæ partis quadrati AH , ad quadratum AM , & facti sub quadrato AM , in differentiam potestatum AM , AH , eiusdem gradus cum spirali, ad partem differentia potestatum AM , AH , duplici gradu altiorum potestate spiralis, se habentem ad dictam differentiam, ut numerus spiralis ad numerum binario auctum. Sed ex dictis rationibus componitur ratio facti sub dicta parte quadrati AH , in factum sub quadrato AM , in differentiam potestatum AM , AH , eiusdem gradus cum spirali, ad factum sub quadrato AM , in dictam partem differentia potestatum AM , AH , duplici gradu superiorum potestate spiralis. Ergo primum spatium erit ad secundum in præfata ratione. Sed cum in ambobus terminis proportionis reperitur quadratum AM , si potestates terminorum deprimantur, erit primum spatium ad secundum, ut factum sub dicta parte quadrati

drati AH , in differentiam potestatum MA , AH , eiusdem gradus cum spirali, ad similem partem differentia potestatum AH , AM , duplici gradu superiorum potestate spiralis. Quod primo erat ostendendum.

Quod verò ratio secundi spatij ad tertium sit ea, quæ supra dicta fuit, probabitur ferè eodem modo. Nam ratio secundi spatij ad tertium componitur ex ratione ipsius ad secundum circum; huius ad tertium; & tertij circum ad tertium spatium. Ratio secundi spatij ad secundum circum est, ut pars differentia potestatum AH ; AM , duplici gradu superiorum potestate spiralis, se habens ad ipsam differentiam, ut numerus gradus spiralis ad numerum binario auctum, ad factum sub quadrato AM , in differentiam potestatum AM , AH , eiusdem gradus cum spirali, ex schol. 2. proposit. 15. Ratio circum radij AM , ad circum radij AB , est ut quadratum AM , ad quadratum AB . Ratio circum radij AB , ad tertium spatium est, ut factum sub quadrato AB , in differentiam potestatum AB , AM , eiusdem gradus cum spirali, ad partem differentia potestatum AB , AM , duplici gradu superiorum potestate spiralis, se habentem ad dictam differentiam, ut numerus ad numerum binario auctum ex schol. citat. Ergo ratio secundi spatij ad tertium componetur ex omnibus antecedentibus ad omnia consequentia: nempe erit, ut factum sub omnibus antecedentibus ad factum sub omnibus consequentibus. Sed tam in facto ex omni-

omnibus antecedentibus, quam in facto ex omnibus consequentibus reperitur factum sub quadratis AM , AB . Si ergo tam factum sub omnibus antecedentibus, quam factum sub omnibus consequentibus deprimatur, non pe auferatur ab ipsis facta sub quadratis AM , AB , nihilominus seruabitur eadem proportio. Erit ergo à primo ad vltimum, secundum spatium ad tertium spatium, vt factum sub parte differentiae potestatum AH , AM , duplici gradu superiorum potestate spiralis, se habente ad ipsam differentiam, vt numerus spiralis ad numerum binario auctum, & sub differentia potestatum BA , AM , eiusdem gradus cum spirali, ad factum sub parte simili priori differentiae potestatum duplici gradu altiorum spirali, ipsarum BA , AM , & sub differentia potestatum MA , AH , eiusdem gradus cum spirali. Quod secundo erat ostendendum.

SCHOLIUM.

Etiam in praesenti harum proportionum sunt reperibilia compendia. Sed quia proportio spatiorum spiraliū inter se potest expiscari iucundius ex analogia reperta inter dicta spatia, & trilinea parabolica, ideo haec explicanda prius sunt, postea ipsa compendia assignabimus.

PRO-

PROPOSITIO XXV.

Si quodlibet ex infinitis trilineis parabolicis secetur linea basi parallela, & tam toto trilineo, quam trilineo ad verticem circumscribantur triangula. Erit excessus trianguli circumscripti toto trilineo supra ipsum, ad excessum trianguli circumscripti trilineo ad verticem supra ipsum, vt potestas diametri trilinei vno gradu altior potestate trilinei, ad similem potestatem diametri trilinei ad verticem.

ESto quodlibet trilineum parabolicum $QXEZ$, cum sibi circumscripto triangulo QEZ , & sit ducta XY , parallela basi QX , & trilineo ad verticem XEY , sit circumscriptum triangulum XEY . Dico spatium comprehensum à recta, & curua QE , esse ad spatium comprehensum à recta, & curua XE , vt potestas ZE , vno gradu altior potestate trilinei ad similem potestatem YE . V. g. in quadratico, vt cubus, ad cubum. In cubico, vt quadratoquadratum ad quadratoquadratum, & sic in infinitum. Hæc propositio ostensa fuit in schol. pri. proposit. 3. lib. pri. de Infinit. Parab. ex eo quod trilinea sint eiusdem rationis. Cum ergo eandem habeat rationem tam triangulum ad triangulum, quam trilineum ad trilineum, quam excessus trianguli supra trilineum, ad excessum trianguli supra trilineum; & triangulum QEZ , sit ad triangulum XEY , vt potestas ZE , vno gradu altior potestate


M trili-

trilinei ad similem potestatem EY (quia hæc ratio componitur ex ratione QZ , ad XY ; nempe ex ratione potestatis ZE , eiusdem gradus cum trilineo, ad similem potestatem EY , & ex ratione ZE , ad EY : quæ duæ componunt rationem potestatis EZ , vno gradu altioris potestate trilinei, ad similem potestatem EY ;) erit etiam excessus trianguli QEZ , supra suum trilineum, ad excessum trianguli XEY , supra suum trilineum, vt potestas ZE , vno gradu altior potestate trilinei, ad similem potestatem EY . Quod &c.

SCHOLIUM.

Deducemus ergo diuidendo, esse spatium $QEXQ$, ad spatium XEX , vt differentia potestatum ZE , EY , vno gradu superiorum potestate trilinei, ad similem potestatem EY . Quod si iterum ducta IF , parallela XY , fiat triangulum IEI ; erit excessus XEI , ad excessum IEI , vt potestas YE , vno gradu altior potestate trilinei, ad similem potestatem ET . Et diuidendo, erit excessus $XEIX$, ad IEI , vt differentia potestatum dictarum YE , ET , ad similem potestatem ET . Erit ergo etiam spatium $QEXQ$, ad spatium $XEIX$, vt differentia potestatum ZE , EY , vno gradu altiorum potestate trilinei, ad differentiam similibus potestatum YE , ET .

Si ergo supponamus QEZ , esse trilineum parabolico-




abolicum quadraticum, & ET , TY , YZ , esse æquales; quia EY , est dupla ET , ergo cubus ET , erit ad cubum EY , vt 1. ad 8. & ad differentiam cuborum, vt 1. ad 7. Ergo etiam spatium IEI , erit ad spatium $XEIX$, vt 1. ad 7. Pariter, quia ZE , est sesquialtera EY , erit eius cubus 27; & differentia cuborum EY , EZ , 19. Ergo differentia cuborum EY , ET , erit ad differentiam cuborum EY , EZ , vt 7. ad 19. & in eadem ratione erit spatium $XEIX$, ad spatium $QEXQ$. Et eodem modo quadruplicata $EΓ$, quintuplicata &c. reperiremus spatium $QEXQ$, esse ad immediate maius, vt 19. ad 37. Hoc ad im-

mediate maius vt 37. ad 61. &c. Vnde diuidendo colligere sus esse IEI, ad excessum XEIX, supra ipsum, vt 1. ad 6. spatium XEIX, ad excessum spatij QEXQ, supra ipsum, vt 6. ad 12. QEXQ, ad excessum immediate superioris supra ipsum, vt 12. ad 18. & sic in infinitum augendo consequens serario.


Sed supponamus QEZ, esse trilineum parabolicum cubicum, & quadratum YE, duplum esse quadrati ET; quadratum ZE, eius triplum, &c. Quia ergo quadratum YE, duplum est quadrati ET, si supponamus quadratum ET, esse vnitatem, erit quadratum YE. 2. & quia quadratoquadratum oritur ex multiplicatione quadrati in se ipsum, erit quadratoquadratum EY, 4. Erit ergo quadratoquadratum YE, ad quadratoquadratum ET, vt 4. ad 1. & diuidendo, vt 3. ad 1. Erit ergo spatium XEIX, ad IEI, vt 3. ad 1. Item quoniam quadratum ZE, est 3. & quadratoquadratum ZE. 9. erit differentia quadratoquadratorum ZE, EY, 5. Erit ergo spatium QEXQ, ad spatium XEIX, vt 5. ad 3. Quod si quadratum EΓ, intelligeretur quadruplicatum, adeo vt eius quadratoquadratum esset 16, & intelligerentur aucta omnia; esset spatium immediate maius, ad spatium QEXQ, vt 7. ad 5. & sic in infinitum secundum progressionem numerorum imparium ab vnitatem procedentium. Diuidendo ergo, erit spatium IEI, ad excessum spatij XEIX, supra ipsum, vt 1. ad 2. spatium vero

XEIX,



XEIX, erit ad excessum spatij QEXQ, supra ipsum, vt 3. ad 2. Ipsum vero QEXQ, ad excessum immediate maioris supra ipsum, vt 5. ad 2. & sic in infinitum, ita vt omnia antecedentia continent seriem imparium incipientium ab vnitatem, consequens vero sit semper binarium.

His explicatis, supponamus diametrum ZE, trilinei æqualem esse AB, semidiametro circuli diagrammatis proposit. 14. YE, in trilineo ipsi AM, in circulo, & TE, in trilineo æqualem AH, in spirali, & ZQ, basim trilinei æqualem tot circumferentijs FDCB, quotus est numerus reuolutionum, v. g. in casu nostro tribus. Ergo ex proposit.



17. spatium in trilineo QEXQ, est æquale in spirali tertio spatio MNLSBM: item spatium XEIX, in trilineo æquale secundo spatio spirali HRP MH: item spatium in trilineo IEI, erit ex proposit. 9. æquale primo spatio spirali AGHA. Ergo eandem proportionem habebunt spatia helica ad inuicem, quam habent prædicta spatia in trilineo. Cum ergo vniuersaliter sint in trilineo spatium primum ad secundum, vt potestas diametri ipsius

fius scilicet ET, vno gradu altior potestate trilinei ad differentiam potestatum similium ipsius, ET, EY, diametri secundi spatij; & vt secundum spatium ad tertium, sic hæc differentia ad similem differentiam potestatum EY, EZ; & sic in infinitum: sic in spirali, erit generaliter primum spatium ad secundum, vt potestas AH, radij primi circuli duplo gradu altior potestate spiralis (gradus enim trilinei superat gradum spiralis vnitatem) ad differentiam potestatum AH, radij primi circuli, & AM, radij secundi circuli. Secundum verò spatium erit ad tertium, vt dicta differentia ad similem differentiam radiorum AM, AB. Et sic in infinitum. Immo ea compendia, quæ in trilineis quadratico, & cubico collecta fuerunt, poterunt etiam colligi in spirali lineari, & quadratica, sed hæc in duabus sequentibus proposit. colligentur ex alibi à nobis dictis.

PROPOSITIO XXVI.


In spirali lineari primi circuli spatium helicum ad spatium helicum secundi circuli, erit vt tertia pars quadrati radij primi circuli, ad rectangulum sub radio primi, & secundi circuli, vna cum tertia parte quadrati excessus radij secundi circuli supra radium primi. Spatium vero secundi circuli ad spatium tertium, erit vt dictum consequens ad rectangulum sub radio secundi, & tertij,

cum

cum tertia parte quadrati differentie horum radiorum, & sic deinceps in reliquis.

HÆc propositio iisdem terminis, & medijs probatur à Cavalerio in lib. 6. Geomet. Ind. proposit. 19. sed nos ipsam ostendemus ex proprijs ostensis. Supponamus ergo vt in proposit. 24. esse spatia, & circulos. Dico primum spatium $A G H$, esse ad secundum spatium $H R P M H$, vt tertia pars quadrati $A H$, ad rectangulum $M A H$, cum tertia parte quadrati $H M$. Item secundum spatium dictum ad tertium $M N Z S B M$, vt rectangulum $M A H$, cum tertia parte quadrati $H M$, ad rectangulum $B A M$, cum tertia parte quadrati $M B$, & sic in alijs. Etenim spatium $A G H$, est ex coroll. proposit. 7. $\frac{1}{3}$ circuli radij $A H$, nempe est ad ipsum, vt $\frac{1}{3}$ quadrati $A H$, ad quadratum $A H$. Circulus radij $A H$, est ad circulum radij $A M$, vt quadratum $A H$, ad quadratum $A M$. Circulus radij $A M$, est ad secundum spatium, quod claudit, ex schol. 3. proposit. 17. vt quadratum $A M$, ad rectangulum $M A H$, vna cum tertia parte quadrati $H M$. Ergo ex æquali, erit primum spatium ad secundum, vt $\frac{1}{3}$ quadrati $A H$, ad rectangulum $M A H$, vna cum $\frac{1}{3}$ quadrati $H M$. Pariter conuertendo, est secundum spatium ad secundum circulum, vt rectangulum $M A H$, vna cum $\frac{1}{3}$ quadrati $H M$, ad quadratum $A M$. Circulus radij $A M$, est ad circulum radij $A B$, vt quadratum

$A M$,



$A M$, ad quadratum $A B$. Circulus radij $A B$, est ex dicto scholio, ad tertium spatium, vt quadratum $B A$, ad rectangulum $B A M$, cum $\frac{1}{3}$ quadrati $B M$. Ergo rursus ex æquali, erit secundum spatium ad tertium, vt rectangulum $M A H$, cum $\frac{1}{3}$ quadrati $M H$, ad rectangulum $B A M$, cum $\frac{1}{3}$ quadrati $M B$. Sic discurretur in cæteris. Quare patet propositum.

N SCHO-


SCHOLIUM.

Colligemus ergo in numeris, esse primum spatium ad secundum, vt 1. ad 7. secundum ad tertium vt 7. ad 19. tertium ad quartum vt 19. ad 37. Hoc ad quintum vt 37. ad 61. & sic discurrendo. Cum enim sit primum spatium ad secundum, vt $\frac{1}{4}$ quadrati AH, ad rectangulum MAH, cum $\frac{1}{4}$ quadrati HM: supponamus AH, esse 3. Ergo MA, erit 6. quadratum AH, erit 9. eius $\frac{1}{4}$ 3. rectangulum MAH, erit 18. $\frac{1}{4}$ quadrati MH, erit 3. Ergo primum spatium ad secundum erit, vt 3. ad 21. nempe vt 1. ad 7. Item rectangulum BAM, cum $\frac{1}{4}$ quadrati MB, erit 57. Ergo secundum spatium erit ad tertium vt 21. ad 57. nempe vt 7. ad 19. & sic discurrendo in alijs. Diuidendo ergo erit primum spatium ad differentiam inter ipsum, & secundum, vt 1. ad 6. Secundum ad differentiam inter ipsum, & tertium, vt 6. ad 12. & sic discurrendo augendo semper consequens senario.

PROPOSITIO XXVII.

In spirali quadratica. primi circuli spatium helicum ad spatium helicum secundi circuli erit, vt $\frac{1}{4}$ quadrati radij primi circuli, ad rectangulum sub hoc, & secundi circuli ad h, una cum $\frac{1}{4}$ quadrati differentie eorum radiorum. Spatium vero secundi ad spatium tertij, e it vt $\frac{1}{4}$ MAH.

dictum consequens, ad rectangulum sub radijs secundi, & tertij, una cum $\frac{1}{4}$ quadrati differentie eorum, & sic deinceps in reliquis.



Supponamus omnia, quæ in schemate superiori, sed spatia esse spiralis quadraticæ. Dico. primum spatium ad secundum esse, vt $\frac{1}{4}$ quadrati AH, ad rectangulum MAH, cum $\frac{1}{4}$ quadrati HM. Secundum ad tertium, vt rectangulum $\frac{1}{4}$ MAH,

MAH, cum $\frac{1}{2}$ quadrati HM, ad rectangulum BAM, eam $\frac{1}{2}$ quadrati MB. Et sic in reliquis. Hæc propositio probabitur eodem modo, quo probata fuit superior, & ex iisdem locis. Spatium enim AGH, circuli radij AH, est, ex coroll. proposit. 9. nempe est ad ipsum, vt $\frac{1}{2}$ quadrati AH, ad quadratum AH. Circulus radij AH, est ad circulum radij AM, vt quadratum AH, ad quadratum AM. Hic est ad secundum spatium, ex schol. 3. proposit. 17. vt quadratum AM, ad rectangulum MAH, cum $\frac{1}{2}$ quadrati HM. Ergo ex æquali, erit primum spatium ad secundum, vt $\frac{1}{2}$ quadrati AH, ad rectangulum MAH, cum $\frac{1}{2}$ quadrati HM. Eodem modo demonstrabitur esse secundum spatium ad tertium, vt rectangulum MAH, cum $\frac{1}{2}$ quadrati HM, ad rectangulum BAM, cum dimidio quadrati MB. Et sic in alijs.

SCHOLIUM I.

Sed ad assignandas in numeris horum spatiorum rationes, magis inferuiet sequens regula. Nempe primum spatium, esse ad secundum, vt quadratum radij primi circuli, ad quadrata ipsius, & radij secundi. Secundum ad tertium, vt hæc quadrata, ad quadrata radiorum secundi, & tertij. Et sic deinceps. Quod vero regula sit vera, patet. Quia, vt dimidium ad dimidium, sic duplum ad duplum. Duplum autem rectanguli MAH, & $\frac{1}{2}$ quadrati MH,

MH, erunt quadrata MA, AH (Quia duo rectangula MAH, faciunt duo rectangula MHA, & duo quadrata AH; & duo rectangula MHA, cum quadratis AH, HM, faciunt quadratum MA;) & duplum rectanguli BAM, & $\frac{1}{2}$ quadrati MB, faciunt quadrata BA, AM.

In numeris ergo adinueniemus, esse primum spatium ad secundum, vt 1. ad 3. Secundum ad tertium, vt 3. ad 5. & sic in infinitum secundum progressionem numerorum imparium ab unitate inclusivè procedentium (quadrata enim AH, AM, AB, sunt ex genesi spiraliū iaitio explicata 1. 2. 3. &c.) Diuidendo ergo erit primum spatium, ad differentiam inter ipsum, & secundum, vt 1. ad 2. Secundum ad differentiam inter ipsum, & tertium, vt 3. ad 2. & sic infinitum.

SCHOLIUM II.

Iis expletis, quæ ad spatiorum helicum mensuram pertinent, in proposit. 21. lib. 6. citat. Geom. Indipergit Cavalierius considerare proportiones repertas inter cylindros, cylindricos, & conicos super circulis, & spatijs spiraliū existentes. Non ergo rem ingratan lectori fore arbitramur, si & nos in spatijs infinitarum spiraliū exequemur illud idem, quod Cavalierius in spatijs vnius dumtaxat linearis spiralis adimplevit. Sed antequam hoc aggrediamur debemus supponere illud idem, quod ipsemet in dicta
pro-

proposit. 24. ex sparsim probatis in sua geometria, deducit Nimirum. Quod si exponatur series spiraliū, & circularum deinceps à primis, in spatijs vero sub spiraliū, & volutis, cylindrici, & conici in eadem altitudine stantes intelligantur constituti tamquam in basiū, similiter & in circulis constituti esse cylindrici, & conici intelligantur: cylindri inter se, & cylindrici pariter inter se, siue ad cylindros comparati, siue conici inter se, & conici inter se, siue ad conos comparati eandem rationem, quam bases habebunt. Huiusce affertis subiungit Caualerius probationem inquiens. Patet hæc propositio, nam cylindrici, & conici in eadem altitudine constituti sunt inter se, ut bases: sunt autem prædicta solida per constructionem in eadem altitudine posita, ergo erunt inter se, ut ipse bases; Vocentur autem cylindri, & cylindrici, nec non conici eiusdem numeri cum spatijs, quibus insistant, id est primus cylindrus, vel conus, qui est in primo circulo, secundus cylindrus, vel conus, qui est in secundo circulo tamquam in basi; primus cylindricus, vel conicus, qui est in spatio helico primi circuli tamquam in basi, secundus cylindricus, vel conicus, qui est in spatio secundi circuli, & sic deinceps. Hæc Caualerius. Quibus consequenter ad nostram doctrinam addendum videtur, non solum cylindros, conos, cylindricos, conicos, primos, secundos, tertios, &c. fore nuncupandos secundum numerum, a quo denominantur circuli, & spatia super quibus insistant, sed etiam primi, secundi, tertij gradus, &c. secundum quod spatia ipsamet sunt vel linearia, vel quadratica, vel cubica, &c. His explicatis sit.

PRO-

PROPOSITIO XXVIII.

Primus cylindricus ad primum conicum cuiuscunque gradus est, ut triplus numerus spiralis senario auctus, ad numerum spiralis.

ESto in schem. spiraliū, spatium primum helicum AGH, cum sibi circumscripto primo circulo radij AH, & super circulo intelligamus cylindrum, super vero spatio spirali conicum eiusdem altitudinis cum cylindro. Dico cylindrum esse ad conicum, ut triplus numerus gradus spiralis senario auctus, ad numerum spiralis. V. g. in lineari, ut 9. ad 1. In quadratica, ut 12. ad 2. In cubica, ut 15. ad 3. & sic in infinitum, augendo semper antecedens ternario, consequens vero vnitate.


Nam, ex coroll. proposit. 9. cylindrus super circulo, ad cylindricum super spatio eiusdem altitudinis (quia sunt ut bases) est, ut numerus gradus spiralis binario auctus, ad numerum; nempe ut triplus ad triplum; scilicet ut triplus numerus senario auctus ad triplum numerum. Ergo erit ad conicum $\frac{1}{3}$ cylindrici, ut triplus numerus senario auctus, ad numerum. Quod erat ostendendum.

PRO-

PROPOSITIO XXIX.

Cylindrus super circulo, ad conicum eiusdem altitudinis cum ipso existentem super quolibet aliorum spatiorum à primo cuiuscunque gradus, quod comprehendit. Erit vel ut factum sub triplo quadrato radij ipsius in differentiam potestatum ipsius, & radij circuli unitate minoris: vel ut factum sub quadrato ipsius, & sub tripla differentia dicta, ad partem differentia potestatum radij ipsius, & circuli unitate minoris duplici gradu altiorum potestate spiralis, se habentem ad ipsam, ut numerus gradus spiralis, ad numerum binario auctum.

E Sto in schemat. eodem quilibet circulus radij AB , circumscriptus cuilibet spatio MZ , BM , cuiuscunque numeri à primo, & cuiuscunque gradus, & esto AM , radius circuli vnus numeri inferioris. Dico cylindrum super circulo radij AB , esse ad conicum eiusdem altitudinis existentem super spatio $MNZSBM$, vel ut factum sub triplo quadrato AB , & sub differentia potestatum BA , AM , eiusdem gradus cum spirali: vel ut factum sub quadrato AB , & sub tripla dicta differentia, ad partem differentia potestatum BA , AM , duplici gradu altiorum potestate gradus spiralis se habentem ad differentiam, ut numerus spiralis, ad numerum binario auctum. V. g. in spirali lineari, erit cylindrus ad conicum, vel ut factum sub quadrato triplo AB ,




AB , in BM : vel ut factum sub quadrato AB , in triplam BM , ad $\frac{1}{2}$ differentia cuborum AB , AM . In quadratica vero erit, vel ut factum sub quadrato triplo AB , in differentiam quadratorum AB , AM , vel ut factum sub quadrato AB , in triplam differentiam quadratorum AB , AM , ad $\frac{1}{2}$ differentia quadratorum AB , AM . Et sic in alijs.

Quoniam enim ex schol. 2. proposit. 17. circulus radij

SCHOLIUM.

radij **AB**, est ad spatium **MNLSBM**, quod includit, ut factum sub quadrato **BA**, in differentiam potestatum **BA**, **AM**, eiusdem gradus cum spirali, ad talem partem differentiae potestatum **BA**, **AM**, duplici gradu altiorum potestate spiralis, quae se habeat ad talem differentiam, ut numerus spiralis ad numerum spiralis binario auctum; ergo etiam cylindrus super circulo existens, erit ad cylindricum super spatio existentem eiusdem cum ipso altitudinis, in dicta ratione; seu ut triplum ad triplum. Nempe cylindrus erit ad cylindricum, ut factum sub triplo quadrato **AB**, in dictam differentiam potestatum **BA**, **AM**, eiusdem gradus cum spirali, ad triplicem partem differentiae potestatum **BA**, **AM**, duplici gradu altiorum potestate spiralis, se habentem ad dictam differentiam, ut numerus spiralis ad numerum binario auctum. Ergo cylindrus ad conicum cylindrici, erit, ut factum sub triplo quadrato **BA**, in dictam differentiam, ad partem differentiae potestatum **BA**, **AM**, duplici gradu altiorum potestate spiralis se habentem ad ipsam, ut numerus ad numerum binario auctum. Ergo patet primum. Cum vero factum sub triplo quadrato **AB**, in differentiam potestatum **BA**, **AM**, eiusdem gradus cum spirali, sit aequale facto sub quadrato **BA**, in triplam dictam differentiam potestatum **BA**, **AM**, eiusdem gradus cum spirali; patebit etiam secundum.



Verum, quoniam in spiralibus lineari, & quadratica assignatae fuerunt peculiares rationes ad spatia; hinc est quod pro ipsis tradenda sunt duae particulares propositiones.

PROPOSITIO XXX.

In spirali lineari, erit cylindrus ad conicum, ut in antecedenti propositione, ut triplum quadratum radij BA, ad rectangulum BAM, cum $\frac{1}{2}$ quadrati BM.

Propositio hæc patebit faciliter, quia cum ex schol. 3. citat. proposit. 17. sit etiam circulus ad spatium, ut quadratum BA, ad rectangulum BAM, cum $\frac{1}{2}$ quadrati BM; vel ut triplum, ad triplum; nempe ut triplum quadratum BA, ad triplum rectangulum BAM, cum quadrato BM: discurrendo ad modum proposit. anteced. concludetur propositum.

PROPOSITIO XXXI.

In spirali quadratica, erit cylindrus ad conicum, ut triplum quadratum BA, ad rectangulum BAM, cum $\frac{1}{2}$ quadrati BM.

Propositio patebit ex eodem scholio cit. discurrendo superiorum ad instar.

SCHOLIUM.


Posset forsitan lector in operibus eximij Torricellij, resatas cogitare, analogiam, quam ipsemet assignavit

gnavit in propositione 17. de demen. parabolæ, inter parabolam quadraticam, & spiralem linearem, extendi, suo modo, ad infinitas parabolas, & ad infinitas spirales. Quia verò etiam nos hanc rem aliquando contemplati fuimus, & agnouimus huiusce asserti falsitem; ideo determinanimus in hac materia quid nobis occurrerit, manifestare.

Toricellius ergo in loco citato, supponens AC, in diagram. sequent. esse radium primi circuli circumscripti primo spatio spirali AGCA; ABC, esse parabolam quadraticam cuius basis eadem AC, diameter OB; AE, esse ipsam parabolam tangentem; & CE, esse parallelam OB: probavit excessum trianguli AEC, super parabola ABC, æqualem esse excessui circuli super spatio; & consequenter parabolam ABC, æqualem fore spatio AGCA. Quod quomocunque probet Toricellius, ipsum sic ostendemus. OB, occurrat AE, in M. Ergo ex proposit. 33. prim. conic. MO, erit dupla BO: & consequenter EC, dupla MO, erit quadrupla BO. Cum ergo parallelogrammum duplum trianguli AEC, esset quadruplum parallelogrammi circumscripti parabolæ; erit triangulum AEC, parallelogrammi circumscripti parabolæ duplum; nempe erit ad ipsum, ut 6. ad 3. Sed cum ex quadratura parabolæ quadraticæ ab innumeris propemodum assignata, & etiam à nobis nouiter duobus modis in miscellaneo nostro hyperbolico, & parabolico, in schol. 1. proposit. 26. & in schol. 1.

proposit. 28. sit parallelogrammum parabolæ circumscriptum ad ipsam, vt 3. ad 2. Ergo etiam triangulum AEC , erit ad parabolam ABC , ex æquali, vt 6. ad 2. seu, vt 3. ad 2: & ad excessum ipsius supra parabolam, vt 3. ad 2. Quæ rationes sunt ille, quas habet circulus ad excessum, & ad spatium spirale, vt apparet ex proposit. 9. & ex eius corollario.

Possit ergo quispiam ex his cogitare, analogiam præsentem perpetuam esse in alijs spiralibus, & in alijs parabolis, ita vt secundum spatium spirale, nempe quadraticum, & excessus quadraticus, sint æquales parabolæ cubicæ, & excessui trianguli AEC , supra ipsam: & sic deinceps. Sed qui hoc arbitrarentur ostendere, deciperetur utique, quia hoc falsum esse in posterum manifestabimus. Sed vt lector percipiat, quæ dicturi sumus, debet quandam doctrinam à proposit. 50. citati miscellanei petere, in qua demonstrauimus. Quod. Si in qualibet infinitorum parabolarum sumatur aliquod punctum, à quo ad diametrum recta ordinatim applicetur, diameterque ita producat, vt pars extra parabolam sit ad partem diametri abscissam ab ordinatim applicata versus verticem, vt numerus parabolæ vnitate minutus ad vnitatem. Recta linea, quæ ab extremitate inuentæ lineæ ducitur ad illud punctum, quod sumptum fuerat, parabolam continget. Quæ omnia nil aliud sonant, nisi quod si AE , contingat parabolam quadraticam, MO , erit dupla OB : Si cubicam,




bicam, erit MO , tripla OB : si quadratoquadraticam, triplam: & sic deinceps. Vt MO , sit ad OB , vt numerus parabolæ ad vnitatem. Hæc in dicta proposit. probantur: videat ipsa lector in dicto loco. Sed ex his erit nobis.

PROPOSITIO XXXII.

Si in qualibet infinitarum parabolarum ducatur ordinatim applicata ad diametrum, & ab una extremitate ordinatim applicatae ducatur tangens parabolam, ab altera vero extremitate ducatur parallela diametro. Triangulum ab his, & ab ordinatim applicata formatum, erit ad parabolam, ut numerus parabolæ acceptus secundum numerum parabolæ unitate auctum, ad numerum parabolæ.

IN schemate superiori esto quælibet parabola ABC , cuius ordinatim applicata ad diametrum OB , sit ipsa AC , AE , sit tangens, & CE , sit parallela diametro OB . Dico triangulum AEC , esse ad parabolam ABC , ut numerus parabolæ acceptus secundum numerum unitate auctum, ad numerum. V. g. in parabola quadratica, ut 6. ad 2. seu, ut 3. ad 1. In cubica, ut 12. ad 3. seu ut 4. ad 1. & sic in infinitum. Occurrat OB , ipsi AE , in M . Ergo ex citata proposit. 50. Miscellanei hyperbolici, & parabolici, erit MO , ad OB , ut numerus parabolæ ad unitatem. Ergo CE , dupla MO , erit ad BO , ut duplus numerus parabolæ ad unitatem. Ergo triangulum AEC , erit ad parallelogrammum circumscriptum parabolæ ABC , ut numerus parabolæ ad unitatem; nempe, ut numerus parabolæ acceptus secundum numerum unitate auctum



auctum, ad numerum unitate auctum? Sed ex quadratura infinitarum parabolarum assignata ex Cavalerio in proposit. 1. lib. 1. de infinit. parab. est parallelogrammum circumscriptum parabolæ ad ipsam, ut numerus parabolæ unitate auctus ad numerum parabolæ. Ergo ex æquali, erit triangulum AEC , ad parabolam ABC , ut numerus parabolæ acceptus
P secun-

secundum numerum parabolæ unitate auctum ad numerum parabolæ. Quod &c.

SCHOLIUM.

Erit ergo per conuersionem rationis, triangulum ad excessum ipsius supra parabolam, vt dictus numerus parabolæ acceptus secundum numerum parabolæ unitate auctum, ad numerum parabolæ acceptum secundum numerum parabolæ. Vel clarius, erit triangulum ad parabolam, vt numerus parabolæ unitate auctus, ad unitatem; nempe in quadratica, vt 3. ad 1. in cubica, vt 4. ad 1. & sic deinceps. Et ad excessum trianguli supra parabolam, vt dictus numerus parabolæ unitate auctus, ad numerum parabolæ. Nempe in quadratica, vt 3. ad 2. In cubica, vt 4. ad 3. Et sic in infinitum.

Non ergo seruetur analogia inter infinitas parabolæ, & infinitas spirales. Nam vtique est triangulum ad parabolam quadraticam, & ad excessum ipsius supra parabolam, vt primus circulus circumscriptus spatio spirali lineari ad ipsum spatium, & ad excessum supra ipsum; at non sic est in alijs: sed in spirali quadratica, est ex proposit. 9. & ex eius corollario, circulus ad spatium, vt 4. ad 2. & non, vt 4. ad 1. vt triangulum ad trilineum cubicum; & sic in alijs.

Sed vnum adnauertetur, quod equidem haud speruendum videtur, & est, quod in eadem ratione

sunt

sunt in qualibet parabola, triangulum AEC, ad parabolam ABC, & parallelogrammum semiparabolæ OBC, circumscriptum ad trilineum, quod est excessus parallelogrammi supra semiparabolam. Nam vtumque est ad vtumque, vt numerus parabolæ unitate auctus ad numerum parabolæ. Pariter in eadem ratione sunt triangulum AEC, ad excessum sui supra parabolam, & parallelogrammum semiparabolæ circumscriptum ad ipsam; nempe, vt numerus parabolæ unitate auctus ad numerum.

DIGRESSIO.

Dum hæc, quæ scripsimus sub prælo essent, accepimus epistolas à nobilissimo Geometra Petro Parelo Caruaggio Mediolanensi, ac Mediolani comorante, ad nos transmissas, datas sub die 21. Iulij anni præsentis 1660. in quibus (prius à nobis de subiecto nostræ impressionis monitus) sic loquebatur. *Vedo per la sua, che pone al Torchio vn' opera delle infinite spirali. Io credo, che V. R. hauerà notizia delle opere de Gio: Vallisio Stampate in Oxonio, che argomenta con il metodo de gl' infiniti, e parla delle spirali. His auditis, cogitabamus Vuallisium nobis præiuisse, ac opusculum nostrum de Infinitis spiralibus ad oleum, piperque demittendum. Porro libro Vuallisij frustra apud bibliopolas, aut alios Venetijs quæsito, confugimus ad Excellentissimum Andream Morettum Patavij, tunc manentem, ipsum rogantes, opus prædictum, si*

dit. Nam incidens ad incidentem est in submultiplici proportione anguli ad angulum, seu arcus ad arcum. In spirali etenim quadratica, cum ex proposito. prim. sit quadratum FA , ad quadratum AC , ut arcus $NOSR$, ad arcum OSR , erit FA , ad AC , in subduplicata proportione arcus ad arcum. Et sic consequenter in cubica, in subtriplicata, & sic deinceps. Procedentes ergo per diuersa principia, & circa diuersissima laborantes, diuersissima etiam colligimus. Ipse etenim putans incidentes in spiralem augeri secundum multiplicem proportionem angulorum, seu arcuum, arguendo suo modo colligit spatia spiralia minui. Secundum enim ipsum, circulus circumscriptus primo spatio, seu primi generis est ad ipsum, ut 3. ad 1. Ad spatium secundi generis, ut 4. ad 1. Ad tertij, ut 5. ad 1. & sic in infinitum. Nos vero supponentes incidentes in spirales augeri in submultiplici proportione angulorum, seu arcuum, deduximus spatia spiralia augeri. Circulus enim ad spatium primi generis est, ut 3. ad 1. Ad spatium secundi, ut 4. ad 2. Ad tertij, ut 5. ad 3. & sic in infinitum. Vnde in suis spirilibus circulus est ad spatium spirale, ut numerus gradus spatij binario auctus ad unitatem: at in nostro est, ut numerus binario auctus ad numerum. Et vniuersaliter ipse existimat proportionem circuli ad infinita spatia spiralia esse eandem congruenter cum proportione parallelogrammi ad infinita trilinea parabolica sibi inscripta. At nos in nostris spirilibus infinitis adi-

uenimus.


uenimus, proportionem circuli ad eadem infinita spatia (subintellige semper primæ reuolutionis) esse eandem cum congruenter, & explicata proportione trianguli ad excessum supra trilinea parabolica sibi inscripta. Quæ proportionem in spirali Archimeda dumtaxat conueniunt. In ipsa etenim solummodo, tam parallelogrammum ad trilineum, quam triangulum parallelogrammi dimidium ad excessum ipsius supra trilineum, sunt ut 3. ad 1. In reliquis vero, parallelogrammum est ad trilineum, ut numerus trilinei unitate auctus ad unitatem: triangulum vero est ad excessum sui supra trilineum, ut numerus trilinei unitate auctus, ad numerum trilinei unitate minutum. Cum ergo infinitæ spirales Clarissimi Vuallisij sic discrepent à nostris, prodeant etiam hæc.

Porro quis recolens dicta in præsentis digressione, & modum supra explicatum, quo Clarissimus Torricellius considerauit analogiam inter spiralem linearem, & parabolam quadraticam, posset rationabilius, quam ibidem factum fuit, cogitare, analogiam illam, quam supra diximus nequaquam seruari inter infinitas spirales, & infinitas parabolas, utique locum habere in infinitis parabolis, & in infinitis spirilibus Vuallisij. Nam ex supra dictis, patet, in his omnibus easdem proportionem seruari. Ex statim enim supra dictis liquet, circulum ad infinitas spirales Vuallisij esse secundum ipsum, ut numerus gradus spiralis binario auctus, ad unitatem: & ad excessum

cessum ipsius supra spatia, vt numerus binario auctus ad numerum vnitatem auctum. Ex dictis vero in schol. proposit. 32. constat in schem. illius, esse triangulum AEC , ad parabolam ABC , vt numerus parabolæ vnitatem auctus (nempe, vt numerus spiralis binario auctus) ad vnitatem: & ad excessum ipsius supra parabolam, vt numerus vnitatem auctus, ad numerum. Easdem ergo proportiones habent triangulum ad excessum, & ad parabolam, & circulus ad excessum, & ad spatium. Sicuti ergo, posset quis dicere, Torricellius patefecit similes analogias inter triangulum AEC , & excessum ipsius super parabolam quadraticam ABC , & inter circulum, & excessum ipsius supra spatium spirale lineare AGC , sic forsitan seruetur similis analogia inter alias explicatas figuras. Sed similes discursus erronei sunt censendi, vt infra manifestabimus.

Sed prius Vuallij infinitæ spirales, earumque genesis clarius sunt explicandæ, discrimenque inter nostras, & suas dilucidius est assignandum. Diximus initio operis, spirales nostras generari ex duplici motu eodem tempore peracto, nempe in schemate sequenti, puncti A , æquabiliter semper lati per semidiametrum AR ; & semidiametri AR , circa centrum A , puncto R , describentis peripheriam vel æquabiliter, vel ita vt circumferentia peracta ad circumferentiam, vel angulus ad angulum esset, vt variæ temporum potestates ad inuicem. Hinc oriebatur, quod AC , AF , in spiralem incidentes

erant




erant ad inuicem in submultiplici proportione arcuum, seu angulorum. Cum enim ex proposit. pri. sit arcus ad arcum, vt potestas AC , eiusdem gradus cum spirali ad similem potestatem AF ; patet AC , ad AF , esse in dicta submultiplici proportione. Vuallij pariter infinitæ spirales concipiendæ sunt creati ex duplici motu eorundem mobilium, aut modis contrarijs. Motus enim semidiametri per circumferentiã concipiendus est semper æquabilis: at motus puncti A , per semidiametrum, vel æquabilis, vel variè acceleratus secundum varias temporum potestates. Si ergo vterque motus erit æquabilis, genita erit spiralis archimedeæ. Si vero motus puncti à acclerabitur secundum quadrata temporum, erit secunda spiralis. Si vt cubi, tertia. Et sic deinceps. Hinc ergo fiet, AC , ad AF , esse in multiplici proportione

Q tione

tione arcus ad arcum; seu anguli, ad angulum, ut ait Vuallius.


Ex hac doctrina habebimus, quod in schemat. seq. circumscripto spirali circulo, & semidiametro AV, ducto arcu VTI. Erit peripheria EMSE, ad arcum VTI, in ratione composita ex ratione AE, ad AV, & ex ratione vel AE, ad AV, in spirali lineari; vel minoris mediarum extremarum continuè inter EA, AV, quarum numerus sit unitate minor numero spiralis, ad AV. V. g. in quadratica, ex ratione AE, ad AV, & mediæ



pro-

proportionalis inter AE, AV, ad AV. In cubica, ex rationibus AE, ad AV, & minoris duarum mediarum continuè proportionalium inter AE, AV, ad AV; & sic deinceps. Quod patet, quia circumferentia EMSE, ad VTI, habet rationem compositam ex ratione ipsius ad VTIV (nempe EA, ad AV) & VTIV, ad VTI; nempe EMSE, ad EMS. Sed in alijs spiralibus à lineari proportio EMSE, ad EMS, est sub multiplex proportionis EA, ad AV, secundum explicatum gradum spiralis: unde est in quadratica, ut media inter EA, AV, ad AV: in cubica, ut minor duarum mediarum ad AV, &c. Ergo ratio EMSE, ad VTI, componetur ex ratione EA, ad AV, & dictarum mediarum ad AV.

His perceptis. Ostendemus in schemate sequenti, non servari dictam analogiam inter circumferentiam radij AC, & excessum ipsius supra spatium spirale AGC, & inter triangulum AEC, & excessum ipsius supra parabolam ABC. Hoc autem ostendemus in spirali quadratica, & parabola cubica. Nam si dicta analogia curreret, mente centro A, intervallo AO, intellecta peripheria, esset CE, ad MB, ut circumferentia radij AC, ad circumferentiam descriptam in ipso excessu contentam inter O, & punctum in spirali. Sed ratio circumferentiæ radij AC, ad dictam circumferentiam componitur ex ratione CA, ad AO, & mediæ proportionalis Q 2 inter



inter CA , AO , ad ipsam AO . Ergo etiam ratio CE , ad MB , ex iisdem componeretur rationibus. Porro ratio CE , ad MB (de foris sumpta MO), componitur quoque ex rationibus CE , ad OM , & huius ad MB : & ut CA , ad AO , sic CE , ad OM . Ergo OM , ad MB , esset, ut media proportionalis inter CA , AO , ad AO .
Quod

Quod utique est falsissimum. Nam OM , ad MB , est ex citat. prop. 50. Miscel. hyperb. & c. ut 3. ad 2. inter autem CA , duplam AO , & AO , nempe inter 4. & 2. non est 3. medium proportionale. Non ergo servatur dicta analogia: & tamen si vera sunt, quæ Vuallifus scripsit (nobis enim diuersa methodo à sua adhuc non constat) est semper eadem proportio.

In præsentis ergo opusculo comprehensa, sunt ea, quæ quintò tibi proponimus, benigne lector, percurrentia. In quatuor primis nostris operibus antea elaboratis quamplurimos, progressu temporis, errores animaduertimus: non paucis etiam præfens est aspersum. Ast nec illi, nec isti, ut plurimum, materiam labefactant, nec sensum præcipuè intentum evertunt, adeo ut lectori hærendum sit in assertorum intelligentia. Errores versantur sæpe sæpius vel in locutione latina, vel in alijs rebus non magni momenti. Hos errores dona nobis quæso, benigne lector. Nec putamus te experiri inclementem, præcipuè si in typographijs aliquando te exercueris. Crede nobis, ingens tormentum authores exagitat in ipsa impressione; & plus laboris adinuenitur in hac, quam in compositione ipsamet, in rebus geometricis præfertim. Oscitantia etenim, improbitas, & imperitia artificum fictorquent, & angunt authores, ut non paucis vicibus cogitent momento disperdere, quæ tempore prolixo, & magnis laboribus collegunt. Porro omnia hæc, & alia innumera ab inter-

pressionē sunt inseparabilia. Sustine ergo clementer, benigne lector, errores eos, quibus nostra opuscula apparent conspurcata: & sicuti, fauente Deo, potes à nobis alia rationabiliter in posterum, immo quamprimum exspectare; ita nimis à scopo aberrares, si ea absque erroribus profilice, cogitares. Vale.

F I N I S.